

卷之三

於明代在正德者旋即煙消在
崇禎者遂致屋社說者歸其咎
於有君無臣然所以有君無臣
者抑曷故哉且寇非曹馬此也
其衆烏合其勢獸散以洪承疇
之練盧象昇之忠曹文詔曹變

蛟左良玉之勇而或以齋敵或
以輿尸豈惟天命蓋亦人事有
未盡焉余悲夫三百年全盛金
甌一旦瓦解拱手而莫可誰何
也求其故而不得得梅村此記
最詳且核行文更矯健合龍門

遺法後之覽者尙凜六馬之戒
毋以蟻穴爲可忽致決堤滔天
哉

康熙甲寅逸民鄒式金書



綏寇紀略目錄

卷一

澠池渡

卷二

車箱困

卷三

真寧恨

卷四

朱陽潰

卷五

黑水擒

卷六

穀城變

卷七

開縣敗

卷八

汴渠墊

卷九

通城擊

卷十

鹽亭誅

卷十一

九江哀

卷十二

虞淵沉

緩寇紀略目錄終

緩寇紀略目錄

凡例六則

一婁東先生爲當代文獻予束髮從遊垂四十年
一旦云亡曷勝山頽木壞之感茲綏寇一書係先
生晚年所纂不特搜採廣備兼之考据精詳遠近
抄傳惜無刻本家大人見而歎賞以爲班范復生
爲棄棲身之產付之殺青一字一句悉遵原本未
敢妄加更改九原有知應爲欣慰海內人士當快
覩其成書也

一流寇不止一家掠地非只一處敘載錯雜最難
瞭若指掌是本首澠池渡紀賊自秦而晉而畿南

河北澠池可守而不守誌禍本也次車箱困紀賊
入河南而延楚蜀復反三秦陳奇瑜可剿而不剿
也次真寧恨紀曹文詔之忠於王事也次朱陽潰
紀盧象昇之與洪承疇戮力宜猷不宜量移宣大
薊遼也次黑水擒紀孫傳庭之擒高迎祥而歸罪
於中樞調度失宜也次穀房變紀熊文燦之貽誤
封疆也次開縣敗紀楊嗣昌之督師無成不得正
其終也次汴渠墊紀諸藩之罹禍獨歸美於周邸
之捐貲以固圉也次通城擊紀李自成之逆惡難
逃神殛也次鹽亭誅紀張獻忠之兇暴終服天誅

也次九江哀紀左良玉之殺賊悲其費志以歿也
次虞淵沉紀明祚之不永

本朝之將興天變人妖固不一而足也凡此皆作者
苦心至於筆力遒勁作法高古予小子游夏毋容
贊一詞矣

一家大人杜門奉佛子居山園年及八旬猶丙夜
讀書手不釋卷與予村居相去咫尺得以朝夕侍
從追隨杖履商訂詩文誠爲天倫一樂家大人所
著有分韻紀元攷分韻郡邑攷西方合論金剛經
註華嚴字母切所選有千古精華明文選宋元詩

選雜劇新編錢牧齋先生文選皆足羽翼經史振興風雅予將敦請次第登梨懸諸國門茲編其嚆矢耳

一予性好讀史三十年來畱心掌故孜孜搜討往著明季遺聞一書雖云不脛而走究屬傳聞未爲定案予近纂有大事記一集封疆一集門戶封疆始自萬曆戊午遼陽之失迄於順治己亥雲貴之亡門戶始於萬曆癸酉江陵擅權迄於崇禎甲申宜興賜死頗竭苦心雖云才媿三長差幸書成一得謬爲諸同人所亟賞擬卽出以問世尚苦劘劘

無貲將伯助予不無藉乎海內大君子矣

一

與朝不嚴文字之禁煌煌

聖諭雖有忌諱槩勿苛求至是集專記綏寇尤爲言之者無罪若夫羣盜之殄亡實由

本朝之芟薙則我

大清弔民伐罪雪恥除兇之功誠萬世不可泯云

一往予侍教牧齋先生先生授予兩言一則曰博求再則曰虛已至今奉爲韋弦之佩卽如武陵相有督師紀事五十本軍中纖悉皆書其於寇事必

詳予遍覓之而不可得聞其嗣君欲重刊之以白
父冤可稱至孝特未知何日告成霍大司馬魯齋
自言紀載賊事高可盈尺許予郵寄後以歿於京
邸不果亡友黃漢臣語予海鹽彭氏搜羅極備惜
皆未之見也望諸君子有以教我

梁谿鄒漪流綺氏識

綏寇紀畧卷一

婁東吳偉業駿公纂輯

清河弟世舖問榮叅定

梁谿門人鄒漪流綺校

澠池渡

崇禎元年戊辰三月二十日昧爽前全秦天赤如血
五六七月西安有孽火入人家色青光熒熒然廣輪
盈尺者數十旋于地若鬪不濫炎民磔鷄犬禳之乃
去自四月至七月不雨八月恒雨霜殺稼冬大雨雪
木冰歲大饑秦以延綏寧夏甘肅爲三邊延綏據河

為塞斥衍千二百里築三十六堡分險列戍沙磧不生五穀富民計口仰食縣官承平忼愒筭崇禎改元上距萬曆四十七年延餉缺額者至一百三十八萬天啓中秦撫喬應甲延撫朱童蒙皆奄黨也應甲貪婪狂易法紀潰弛四封之內攻亭長殺長吏而莫禁嘗有道臣袁養和被劫請捕應甲反脅取養和千金中書張賀昌被劫執巡捕典史王允德索賂二百金以是被盜之家莫敢控告童蒙腹削軍廩助三殿大工兵民側目始禍實自兩人秦地所出新餉均輸間架三者專以備他急數日增吏因緣為奸美餘輒倍西安鎮兵數萬率買閒占役以空名隸尺籍兵科劉懋疏秦兵屬邊操者賣于邊官歲

納班價屬秦都者賣于秦都月納班錢操兵三千占于各衙門司道宗室鄉紳以供役使民不堪

復無所憚以此糾合邊人為賊十一月白水男子

王二反王二劫宜君縣獄拒捕逃入首蓆溝狗賊巢穴十一月內通白水衙役揚發蒲城王高等

為掠蒲城之孝童韓城之淄川鎮王左掛原名王

苗美飛山虎大紅狼等同起起于宜川地名龍耳嘴十二月三邊總

督武之望奏固原兵變元年十二月二十四日兵劫固原州庫總兵錢

中選無軍紀得免論巡按御史吳煥糾巡撫胡廷宴

贖耗不視事與延撫岳和聲以邊兵饑民互相推匿

所奏報俱不實致成大患兵部尚書王洽請覈其事

以聞刑給事薛國觀奏言淳化綏德等處流賊千

百為羣由喬應甲縱盜釀禍得旨報聞 二年己巳

正月鄖陽撫治梁應澤奏陝西賊王大梁一名大三

千人入畧陽偏漢中十月二十六日漢南賊大梁王從成縣兩當逼近畧陽漢中官

兵追至寧羗州逸去後復趨洛陽官兵戰敗鄖撫告急商洛道劉應遇討白

水賊王二斬之餘黨竄入黃龍山首宿溝固原逃兵掠涇陽富

平執遊擊李英 二月總督武之望病死胡廷宴

住以陝西左布政劉廣生為秦撫右副都御史楊鶴

總督三邊 岳和聲罷吳煥疏盜自戊辰七月王二友胡之槐吳養臣皆

以河南左布政張夢鯨為延撫邊兵故和聲亦罷

吳自勉為延綏總兵 四月階州叛兵周大旺等作

亂副將賀虎臣捕得伏誅督糧道叅議洪承疇率鄉

勇圍左掛于雲陽幾成擒暮大雷雨作遁去三月廿一日賊

自真寧逼三水遊擊高從龍卻之賊入馬蘭山四月九日復犯耀州承疇令官兵鄉勇萬餘人分十二營

圍賊于雲陽幾獲之乘夜雷雨潰圍劉應遇追漢

走淳化入神道嶺追斬二百餘級

南賊于大石川所將卒斬王大梁于陣圍其餘黨于

伏羗之五丁峽將盡殲之寧羗知州陳元瓚失防賊

遁去劉應遇提毛兵入漢合川將吳國輔兵擊賊于畧陽十戰皆捷賊屯垣口有守備王元極陷陣

馬蹶被殺猶手握賊級不置賊退漢陰應遇令都司解文英同蜀將吳國輔李標奇追至大石川斬五百級把總李旺得賊

首王大梁餘解散 十一月京師戒嚴延綏總兵吳自勉入援侵行糧軍中道逃歸為亂延撫張夢鯨憤

志死

自勉沿途逗遛賄放精兵變賣營馬夢鯨憤山

西巡撫耿如杞亦率兵入衛叛逃為賊

邊耿所統皆沿

都下矣兵部調守通明日又調守昌又明日又調守

良鄉功令兵到日不准開糧次日列營汎地乃給之

西兵連調三日三日不得糧既餒且怒遂沿山東一

帶劫掠耿以不戢軍上逮問耿既逮五千人哄然盡

散潰歸山西而以洪承疇為延綏巡撫 兵部尚

書王洽有罪下獄左侍郎申用懋晉尚書 三年庚

午正月申用懋自劾免以薊督梁廷棟為兵部尚書

吳自勉罷以臨洮總兵王承恩為延綏總兵

其改 承恩以兵將不安剝軍事未上聞也後李應期閱邊

據所聞參劾上怒甚提問自勉于四年九月病故

薊督張鳳翼留承恩春防甘肅總兵楊嘉謨入援踐

更率其兵駐東協時錢中選亦入援行秦督撫以三

邊四鎮止寧夏總兵賀虎臣一人非所以辦寇請用

故總兵杜文煥攝承恩鎮西將事兼督延綏固原兵

三千便宜勦撫報可 王子順苗美勾逃兵掠綏德

圍韓城復犯清澗總督楊鶴巡撫劉廣生擊卻之斬

級三千降其眾三百人總兵杜文煥又敗之于安定

先是萬曆時朝廷念西軍勞苦預給三月糧以為常

崇禎己巳秦大旱粟踊貴軍餉告匱延撫楊鶴甘撫

梅之煥分道勤王是年復以稽餉而譁其潰卒畏捕

誅亡命山谷間倡饑民為亂時東事急朝議核兵餉

各邊鎮咸釐汰裁額至數十萬乘障兵咸謀而下而
兵科給事劉懋疏請裁定驛站歲可節金錢數十萬
上喜著為令有濫予者罪勿赦懋意謂蘇民力也而
河北遊民藉食驛糈至是遂無所得食益無賴潰兵
乘之而全陝無寧宇矣先是懋有補足兩年缺餉與
賑金十萬之請事既不行再
疏以陝西衛兵冒濫虛弱求按冊清汰操練弁秦有
司重火耗多贖銀宜拏問其尤以謝關中之人亂將
自定其論最剴切惟舉全秦公費存留巡方贓罰驛
站節裁銀兩充勦撫之用頗有近于搜括然亦號呼
帑金弗應而疆事日益亟豈得已哉而京師向有劉
給事裁省驛遞驅民為盜之謠不知何故愚謂必出
于士大夫輜軒之口所以流傳至今夫郵延絕塞無
與流傳關隴饑民寧關輿隸若早從其請不啻曲突
徙薪是不可不辨然考之御史姜思睿疏云各通
貧民千百為羣任輦輿以續命者饑餓待死散而為

盜聞懋易簣時亦深悔為此言後死京邸棺至山東
莫有為輦負者各處饑民甚至呼其名而阻咒之圖
其形而叢射之是又非
無見云然姑兩存之 二月杜文煥檄諭米脂清

澗諸賊王左掛以其黨二百人降 熒惑入東井退
舍復羸居數月又入鬼宿犯積屍氣 延安知府張

輦都司艾穆感賊于延川賊王子順張述聖姬三兒
等俱乞降王嘉胤掠延安慶陽城堡多陷楊鶴王撫

不以聞鶴與劉廣生出示崇禎三年三四等月有賊
首黃虎小紅狼一丈青龍得水混江龍掠地
虎孟良等俱給免死牌安置延綏河西其淫掠
如故民罹荼毒有司莫敢禦寇患成于此矣 四

月賊從神木渡河入晉 五月楊鶴移鎮耀州賊攻
破金鎖關殺都司王廉調榆林道張福臻提兵討之

安慶紀 卷二

六月御史李應期巡按陝西疏請招撫許之職

方郎李繼貞兵科給事劉懋先後請以十萬金賑延

綏不報 賊王嘉胤破黃甫川清水木瓜三堡孤山

副將李釗被殺尋破府谷據其城又破孤山先是釗欲圖賊

而左右皆賊黨釗出巡至清水營遂遇害賊在府谷不過數百官兵大集可以盡殲而輕用招安不淪旬

日復號召成旅 劉廣生稱病以陝西左布政王順

東陷山西河曲 行爲陝撫 以曹文詔爲孤山副將 七月李應期

奏慶陽守備李極敗績于鄜州之雷公嶺巡蒞陳其佐被殺守

備自邦政重創失 王順行請三年裁扣驛站銀三

萬兩充養兵費下戶部尙書畢自嚴酌議以聞楊鶴疏云

戰馬四十三匹

上乞舊撫臣王順行之請准發裁扣站銀三萬金而

布政呂遜又以抵補借動司庫之數是于順行去後

從其請而終 八月府谷賊王嘉胤以其衆奔黃甫

川 王順行解任以太僕寺少卿練國事爲秦撫

九月洪承疇杜文煥攻黃甫川賊破走之 降賊王

左掛謀叛洪承疇李應期定計誅之 錢中選罷以

楊麒爲固原總兵率其兵駐西協 兵部尙書梁廷

棟請勅秦督撫逮治二三貪殘有司盡補三邊兩年

缺餉而用杜文煥爲大將秦晉諸將兵皆屬焉兩省

銳萬人屬之沿河營衛聽節制各撫按道親歷行間

監督陝西留站銀三萬兩山西留二萬兩兩省撫按

再各借二萬五千兩以資軍費 秦游饑至是大稔山西以防河閉

糶斗米六錢米脂清澗延長綏德之民流亡捐瘠米

脂人從賊者十之七邑幾空吳姓疏請通晉中糶販有旨在西安接濟其實

西安遠而晉近而清澗綏德葭州與晉之臨縣興縣承寧州皆有渡口商民從來互相貿易今晉中設兵

防盜因以遏糶榆林天下雄鎮多宿將勁兵若扼其吭絕之大可憂也膚施人張獻

忠據十八寨十月賊王嘉胤再陷清水木瓜等堡

已又陷府谷殺遊擊李顯宗尋兵至走山西十一

月賊李老柴攻合水十二月延綏叛兵神一元陷

新安陷寧塞殺察將陳三槐四年辛未正月上特

發帑金十萬兩命御史吳牲往賑延安饑民務令賑

恤以實宣布朝廷殲渠散脅德意即用牲代李應期

察行闕功罪 洪承疇請撤王承恩還鎮許之上

召對各省監司論陝西叅政劉應遇曰寇亦吾赤子

也宜招撫不可純勦 二月神一元陷保安一元死

第一魁領其眾陷合水圍慶陽御史李應期報保安捷言斬賊二百四十九

級內有神一元首級及弟立賊不利棄城走二月十九日圍慶陽推官馬一苟知縣李含朴設守二十九

日陷合水杜文煥張應昌來救慶陽圍解平涼固原狗囉為亂 太白

晝見熒惑再入魁宿犯積屍氣 楊鶴移鎮寧州受

神一魁降鶴責數其十罪一魁伏謝鶴奏言三月初三日定邊副將

張應昌解慶陽圍初五日賊遣劉金劉鴻儒求撫初九日賊遣孫繼業茹成名等六十餘人投降送出合

水縣知縣蔣應昌及保安縣印信練國事又報榆林道張福臻撫過拓光齡等數百人又金翅鵬過天星

受意已見

等八十餘人關內道翟師雄撫過田近菴等六百人
雒川知縣劉三顧解散獨頭虎等數千人慶陽地方
撫過劉道海白柳溪等數千人而點燈子當大敗後
降于清澗時鶴設御座于城樓上賊跪拜呼萬歲因
宣聖諭令賊設誓或歸伍或歸農自此羣盜視總督如兒戲矣
練國事移鎮鄜州

率副將張全昌等屢勝賊于中部于郃陽于芝川韓

城斬六百餘級國事上疏極言當一以大勦為王必使大夥強壯者盡誅而後別夥受撫

者可服人是其言賊不沾泥攻圍米脂總兵王承恩張應

昌率兵援之賊敗遁尋降不沾泥手殺雙翅虎縛紫金龍以自贖賊

滿天星降于楊鶴尋叛去洪承疇命守備賀人龍

勞降人酒降人入謝伏兵斬三百二十人五月王

承恩擊宜川賊敗之闖王虎金翅鵬降金翅鵬即王子順之姪王

成餘賊走宜君曹變蛟擊敗寧塞遺賊于唐毛山

四戰皆捷斬一千四百餘級兵部尚書梁廷棟革職吳牲至

延安以西安推官吏可法行賑救如詔書從事人便

之秦三年旱至是始雨六月孤山副將曹文詔

追斬王嘉胤于山西之陽城兵部議撤西兵還秦以

固原兵新至請先命楊嘉謨歸甘肅而留楊麒俟徐

遣上報可七月點燈子率六千餘眾東渡山西

賊李老柴獨行狼陷中部中有受撫賊田近菴者以

六百人守馬攔山應之署事同知鄭師立奉楊鶴檄

委任招撫賊至不成備以喪其邑練國事王承恩率

兵先後攻圍困之 賊上天龍馬老虎獨行狼復掠

鄜州楊鶴王承恩擊走之上天龍等以二千人降

給事

曹履泰孟國祥各奏撫賊欺飾之弊御史吳牲亦言招安之弊載在史冊今宜以先勦後撫為定策如果投戈棄甲抱旗乞降則勦之中亦自寓撫之意而實以勦堅撫如或狡詐復逞聚掠不散則撫之時亦自有勦之用而不因撫廢勦人旨其言 八月賀虎臣擊斬慶陽賊劉六

以曹文詔為臨洮總兵 九月曹文詔殲點燈子

于晉中班師 神一魁竊寧塞以叛 賊郝臨菴掠

同官耀州宜君等處 賊上天猴掠宜 雜時合獨頭

一丈青等五部恣掠宜雜副將趙大胤駐韓城去賊營二十里不救土人強之出報斬五十級驗之則皆婦女首也給事魏呈潤劾大胤革職 十月楊鶴革職逮訊練國事戴

罪自贖 榆林道張福臻同總兵曹文詔下中部賊

李老柴送京師 賊上天猴詐入宜川尋降 十一

月延撫洪承疇總督三邊 張福臻為延綏巡撫

賊譚雄陷安塞 安塞知縣柴國弼固守後以積勞死

初七日通奸民入安塞城次日即出執生員 閏十

一月降賊夜襲甘泉河西道張允登遇害 混天猴

等反除上天猴于鄜州 督師急擊安塞譚雄懼出

降斬之 承疇方圖寧塞計若株守賊將生心乃命曹文詔戴君恩等合圍而潛師夜趨安塞于十

三日暮抵城下合王承恩李甲之兵四面急擊至二十 六十月餘人俘獲衣甲器械無算安塞賊平又有降賊

黨雄王得貴拓亨高凌志等糾賊千餘眾攻綏德州

掠義合驛總兵王承恩同千總吳國偉守備賀人龍等追勦斬二百餘級指揮鄧得威以福臻令誘賊黨黨雄王得貴拓亨高凌志等七人斬之 賊不沾泥陷安定 十二月

洪承疇奏撫過延安吳家山黨家坪薛家崖大賊一十八寨賊首張獻忠羅汝才等一千九百餘名 又分遣總兵曹文詔等同遊擊左光先崔宗胤李國奇等五路勦宜綏清米四縣之賊于懷寧川黑泉峪綿湖峪封家溝大戰敗之追至祁家高粱丑山掃地王授首 上以秦餉戶兵二部不覆奏召對切責兵部尚書熊明遇請措餉二十萬從之 延撫同靖邊道戴君恩副將張應昌應昌係靖邊副將都司馬科等定寧塞

神一魁誅死 五年壬申正月上用巡按御史吳牲言免延安慶陽新餉督師請留西鳳餉銀二十萬以勦賊勸農報可 楊鶴論戍 混天猴陷宜君三月初三

日賊偽為米商進宜君縣知縣李迪康把總馬麟田恭魏安等俱逃

二月陷鄜州僉

事郭應響死之 故總兵杜文煥以吳牲勦三年殺

良冒功有實狀下獄 三月臨洮總兵曹文詔甘肅

總兵楊嘉謨大破賊于西濠西濠潰賊破華亭文詔嘉謨追至落水城賊紅軍友為其黨所殺 四月督

師合秦撫延撫追賊不沾泥于西川守備孫守法擒之 七月馬科所將卒斬混天猴于延水關賊可天

飛圍合水曹文詔楊嘉謨于銅川橋大戰越日文詔
嘉謨偕固原總兵楊騏再戰于虎兕凹大破賊八
月督師平賊鐵角城獨行狼可天飛伏誅餘賊伏大
方山小方山于蒲河肆掠諸將遮絕要害曹文詔提
兵一千五百人追殺于隴州平鳳界殲賊務盡張全
昌馬科以千人自環縣應之 時張福臻以撫賊故
致王承恩之兵譁索餉解任去以陝西右布政陳奇
瑜爲延撫奇瑜亦能殺賊而右叅政葉廷桂清軍道
王振奇靖邊道戴君恩監軍道樊一蘅四人俱有功
六年癸酉六月巡按御史范復粹上幕府軍功斬

級三萬六千六百有奇曹文詔功第一楊嘉謨次之

嘉謨西涼世職初以隨閣部孫承宗當關已推副將
積功陞甘肅總兵繼因援薊駐防而甘肅討賊賊平
及歸秦僅用虛銜王承恩楊騏又次之諸將亦多可
議叙補薊門總兵

紀云

當秦寇發難延綏以北爲逃兵爲邊盜延綏以南爲
土寇爲饑民邊盜則神木之王嘉胤靖邊之神一元
爲魁而支蔓于綏德之不沾泥慶陽之可天飛延安
之郝臨菴鎮原之紅軍友也土寇則西川之王左掛
苗美清澗之點燈子爲魁而支蔓于中部之李老柴
延州之混天猴保安之獨行狼也王嘉胤以三年六

月四日攻陷黃甫川清水木瓜三堡次日陷府谷縣
 據其城屢戰堅守詭約降繼而趨黃甫川曷大逞延
 撫洪承疇總兵杜文煥從孤山進勦斬首四百級晉
 兵亦得三百級賊窮送出縣印退保大小寬坪等寨
 十月二十日嘉胤再陷清水已又陷府谷兵至走之
 晉晉總兵王國樑師大潛遂失河曲賊堞而守焉四
 年四月十八日裨將曹變蛟艾萬年艾萬年時為神木叅將又有都
司馬科杜大捷王世號曹文耀叅謀袁廓守等從曹文詔收河
 曲斬首一千六百級獲軍資鏜仗數千計獲至嘉胤銀印一王
惟岳銀嘉胤奪門走六月初一日得之陽城城下晉

地也皆秦將士力云神一元以三年十二月一日破

新安十三日破寧塞尋破柳樹澗二十五日攻靖邊

三日夜副將李若梓固守微救兵至幾陷四年五月

破保安副將張應昌左光先與戰大敗之神一元死

御史李應期報保安之戰斬賊二百四十級內有一元首級衆推其第一魁戰不

利棄城走二月十四日圍慶陽推官馬一荀知縣李

含樸設守二十九日陷合水杜文煥張應昌來救慶

陽圍解二月初二日賊破饒陽堡遂長驅慶陽城外

總督楊鶴移鎮寧州致一魁之壻于營中同臥起為

其部強欲以啗諸賊一魁至數以十罪一破寧塞二殺將官陳三

槐三破新安堡四捨柳樹澗五圍靖邊六破保安七
勾西人八圍慶陽九破合水十殺戮良民淫汚婦女
已服卽宣詔赦予以官處之寧塞衆四千有奇使叅
將吳弘器護焉憂其屬茹成名難制從一魁謀而去
之一魁陰許諾衆莫知成名死成名挾賞未遂奉殿
中軍范禮一魁執而
杖之七月中一魁遣心腹劉金見楊鶴于三原鶴授
意于金許以殺成名有賞九月十二日鶴在耀州一
魁遣金同成名至鶴喜日劉金至事濟矣張孟金黃友才皆猜懼九月十
八日挾一魁以叛吳弘器他往執其下范禮尹鴻基
等延撫張福臻率張應昌馬科之兵攻之斬一千七
百一十八級友才見事急給一魁圖之以爲功尋自
疑乃竄五年正月友才就縛王左掛同苗登雲苗登

霧苗美起兵蹂躪綏德傷入援叅將石在廓擁衆南

下三年正月十一日犯韓城掠韓城之龍門渡守將
失利糧道洪承疇同撫

院中軍李滿倉屯都司艾穆干
總黃邑宰擊破之賊走清澗十七日犯郃陽據青

澗之華嚴寺奔懷寧河二月杜文煥悉固原官軍陣

而進左掛降賊首張述聖姬三兒乞降于河西道蔣
士忠士忠遣故降人李光燿入營招諭

乃左苗美以八百人逸文煥追至鐵葉塞單騎入其

營美叔登雲登霧降美再以百人遁遣都司王仲學

跡之曰不得美無還也及之于賀家灣賊左右斬美

首以獻并殺飛山虎大紅狼等副將李甲屯司艾穆
等兵大集賊黨黃虎復乞降于守備白邦政

八月左掛以賊白汝學攻綏德州謀內應爲叅將卜

應第所覺不果九月按臣李應期與承疇文煥定計
命遊擊左光先守備白邦政就綏德誅之邦政卽按
臣帳下劉王左掛苗登雲等五十七人餘黨在他境
皆斃點燈子卽趙四兒各勝初起于清澗之解家溝花牙寺
逞于延南奔突韓城宜雜往來秦晉沿河州縣多苦
之秦撫練國事以四年三月二十日于中部在中部國事率
張全昌趙大胤夾四月初二日于邵陽初七日于韓
攻斬六百餘級城賊掠韓城邵陽復窺芝川鎮靈州參將張十一日
城全昌以五百人戰三日共斬三百餘級于柳村十二日于上峪口乘勝累剋斬級七百有奇
賊以七月二十二日夜半渡河入晉督師延撫及曹

文詔艾萬年追之八月初三日大敗之于桑落鎮又
敗之于花地窰霧露山賊退屯石樓縣之烏龍寺康
家山與綏清隔河三十里綏德知州周士奇守備孫
守法伏兵于含峪以降丁賀思賢爲導九月十八日
夜守法渡河襲之點燈子出不意裸身提刀欲戰思
賢識其聲直前砍之乃斃都司王世虎守備姚進忠
前于霧露山陣歿語有之涓涓不絕乃成江河當賊
初起匹夫瓦合倔強山谷間其偏袒大呼首事作難
者不過嘉胤左掛輩三數人耳而皆已撲滅中外大
臣以爲苟得始事者之首天下無事矣縱有餘孽州

縣當就捕豈知後起之盛蔓不可圖哉李老柴獨行
 狼之攻中部也有受撫賊田近菴者以六百人守馬
 欄山應之署事同知鄭師玄楊鶴委以招撫賊至不
 成備以喪其元練國事王承恩先後攻圍五月賊突
 不得出慶陽賊郝臨菴劉道江來援會文詔殺點燈
 子凱以歸于秦與張福臻合兵殄賊福臻先誘李老
 柴生致之福臻遣都司王雄誘李老柴一條龍出羈留之一鼓而下中部傳
 老柴磔都市中部逃賊見李老柴一條龍被執奔摩雲谷副將張弘業游擊李明輔遇賊戰
 沒不沾泥原名張初從魚河川出不意襲安定城其
 後為王承恩所讐偕羣醜雲交月等送款不沾泥手刃雙翅虎

傳獻紫金尋相繼叛滿天星雲交月混天王黃龍眼
 龍投誠川城外五月初二日王承恩勦之賊奔麟頭山官軍
 復有斬獲賊首闖山虎陳龍不沾泥等乞降餘賊又
 遁宜君掠同官尋草上飛乞降五月二十七日滿天
 星雲交月金翅鵬金龍強虎鎖天鵝等俱降散餘黨
 萬二千餘人原籍安插十二月初二日降賊復叛
 攻綏德州五年二月初二日雲交月叛四月不沾泥
 復叛捨米脂五月初七日入西川西川其窟穴也大山深谷初王左
 掛倚為固不沾泥取之立十二哨六十四寨壁天險
 為持久壬申四月攻米脂葭川延撫張福臻同道臣
 樊一蘅率三千人總兵王承恩同孤山副將侯拱極
 第遊擊文鼎心和應薦都司張天禮守備賀人龍等
 同撫標游擊費邑宰左光先崔重亨丁世虎等馬步
 三席卷逐北與承疇會師雙湖塔壓其巢命孫守法
 千

遮絕河津斷其西走賊逃至含峪為馬科所躡過河

纔二十七騎守法追之河東三十里賊反鬪騎盡亡

守法身得不沾泥塵以入福臻赦誥誤者李成材罪

諭降克徒三百人出皆其豪也總督委守備賀人龍領之先令脅從千人

歸承疇復親將張天禮唐通等幕下賊至驅出僂之

止有喬六部混入我兵口稱殺賊脫走不沾泥劉民悅于綏德州斬訖民悅即甘泉縣劫餉殺官之魁

也紅軍友李都司杜三楊老柴等乃神一魁餘孽屯

萬人于鎮原之蒲河欲犯平涼走鳳漢練國事檄楊嘉謨及

副將王性善等扼險設防國事移鎮涇州聞信疾馳固原檄固原道王振奇同

副將王性善守鎮原要口檄平涼道徐如翰同副將董志義守涇州馬關諸路又檄總兵楊嘉謨游擊趙

光遠嚴緝姦細殺賊塘馬斷其耳目遂不敢馳出土

有回方山一路道臣王振奇復令狷兵把總海喬扼

險拒而承疇率文詔以臨洮兵三千從鄜州間道來

會從鄜州間道畏糧四晝夜至慶陽按臣吳五年三

月十一日于西濠大戰文詔嘉謨性善拔其三屯斬

首千級所將卒得杜三楊老柴餘眾南奔奪武安監

三月廿四日賊入監正吳三才遁五月破華亭廿五

初三日萬監錄事周洪化殺賊陣亡許稱官兵襲華亭知縣徐兆麟攻莊浪大賊王老虎

遁殺教官鄒邦榮賊二日去等攻莊浪

文詔嘉謨遣都司靳桂香游擊曹變蛟馮舉劉成功

等追至張麻村大戰張麻村賊戰敗追二十餘級賊遁入

高山賊憑山大戰射死千總李應春會性善之兵亦至同甘肅副將李鴻嗣泰將

莫與又共追之于咸寧關王性善斬二百九十八級

京等級賊將回向寶鷄曹變蛟楊咸寧關共斬一百二十九

光烈等尚有一眾數千緣趙光遠阨陘不得往漢南由長寧驛

四月廿二日臨洮副將蔣一陽值長寧逃賊于清水

縣失亡數百人把總徐承斌陣沒都司李官用見執

赴張家川而文詔從隴州至縱反間以亂其心賊內

自疑剽及紅軍友我師從而乘之鑿水落城西大呼

摧陷二十六日賊敗賊走草唐毛山以望我師我爭

山不得上曹變蛟躍馬騰凌其巔將士同奮弓矢亂

發賊應絃而倒寧塞餘賊殲盡先後斬千天猴

原名劉之窺宜川也劫知縣馬自然于靈岩嶺同混

九思曹操飛虎李仁友等五日昇入城要以求撫賊任察院

營劫自然至營內八日楊鶴受之處其部二千人于鄜州有降卒白柳

溪者夜勾賊掠河西道張允登所解民運十萬七千

金于甘泉戕允登及知縣郭永固允登歷知咸陽咸

當荒盜之餘備極勞苦士民聞變俱喪服迎上天猴

哭罷市三日事聞與郭永固皆贈官有差在鄜州伏法混天猴各張應金向隸允登甘泉之亂與焉

既叛去恣甚五年正月初四日陷宜君二月二十一

日陷鄜州六月十九日襲靖邊張應昌追之真水川

又追之中湖山射賊將白廣恩顛復得他馬以逸二

十一日攻合水馬科從督師追之甘泉山中七月一

受送巴恩

日追之延水關

東有黃河北有降丁賀得清劉應福堵截馬科同李卑共斬賊首六百二十

十級追至黃河

畔溺死者無數馬科部卒楊茂春得混天猴之首以

狗可天飛郝臨菴劉道江因接應中部為王承恩所

敗歸保鐵角城獨行狼跳入其伍別守蘆保嶺李都

司亦往從焉分地耕牧混天猴死其黨扇動可天飛

劉道江于五年七月初四日再圍合水

游擊陳光先守兵四百人

同知縣施喬旃力拒之

焚東關左光先率眾巷戰曹文詔以千

八百騎往救至花園寺聞礮聲疾馳賊匿精銳山谷

中用千人來逆且鬪且引抵南原伏四起城上譁言

曰曹將軍已沒文詔瞋目持矛左右衝突匹馬縈廻

萬眾殊死戰士望見氣百倍表裏夾擊賊大敗僵尸

蔽野

初七日總兵楊嘉謨報賊自合水北分為二股不犯鎮原必犯驛馬關銅川橋與驛馬關關

泉鎮

初十日曹文詔率都司馮舉游擊曹變蛟楊嘉

謨率叅將方茂功都司李召楊三才等大戰銅川橋

兩將尾賊于關泉鎮賊二萬分精騎待戰東西兩溝

伏步賊數千我兵進至銅川橋大戰追奔二十餘里

文詔身自陷陣衝其中堅賊互相躡籍投崖墜死者

無筭會楊騏以固原之兵至

賊又議攻鎮原以窺平固關曹楊賀三鎮于七

月十三日自驛馬關移兵至十四日抵鎮原文詔嘉

而楊騏先一日至縣于是四鎮合兵大勦

謨及寧夏總兵賀虎臣

虎臣後以寧夏邊警以六千人輕敵覆沒于十七

日同破賊于甘泉之虎兕凹追奔五十里斬首七百

賊大困二十四日楊騏追之于安口河二十九日追之于崇信窰八月初三日追之于白茅山功最著初八日督師次平涼宣言降者勿殺散去數千人追至何家老寨賊首何崇以其寨陣斬可天飛李都司二賊首何崇以其寨賊白廣恩降十五日廣恩殺其黨降齊一甘泉殺官劫餉賊石耀伏誅十月初四日官兵敗賊于高家畔再戰于寧州于山水官家洞皆有斬獲十一月初四日追之于耀州錐子山吏士乘銳騰逐賊窮感潛伏趙和尚寺監軍道飛書告諭二十二日始持郝巷獨行狼二首來扶服丐命二十五日承疇坑其猙獍

僥悍者四百口餘釋而遣之此皆巨猾合全秦之力百戰而克之者也若夫譚雄之于安寨薛紅旗一座城之于安定一座城薛紅旗一朶雲以四年閏十一月十四日夜襲安定入之二十六日追去五年十月十九日搶掠西川胡全延撫陳奇瑜委總兵王承恩赴勦賊首喬六斬一座城以降薛紅旗與拓先靈在骨都寺為戴君申在庭馬丙貴之于葭州荷葉坪西賊與奸民任可學叛據薛州之荷葉坪延撫張福臻榆道樊一衛恭將唐通等統兵八百攻之七晝夜賊敗逃關溝黑水坎等處斬在庭丙貴等首級皆旋起旋滅何足數哉

山西自河曲保興至蒲津千五百里與秦中接壤河身最狹秦賊自神木過河三年春大掠于襄陵吉州

太平曲沃之間。四月二十八日攻入蒲縣潞安官軍遇之于微子嶺一軍俱歿。巡撫仙克謹在清源爲標軍詹永福所刺不殊。巡按御史王相說以聞。克謹免。以七月十八日革職聽勘八月宋統殷有疏救之奉旨仙克謹托各討賊反以被刺求卸褫革豈肯宋統殷何得代爲不平預行自便用宋統殷爲巡撫。七月十二日統殷蒞任。賊自萊園溝渡河入寧鄉。又入大寧。統殷移鎮汾州。八月二十六日以御史羅世錦爲山西巡按。統殷移軍保德。偕秦師共圍府谷。王嘉胤大困。縛其黨四人獻之。統殷乞降已而于張家口劉家塢山神堂立三營。謀渡河西入統殷不能難也。十一月晉

師大敗于河曲。總兵王國樑遇賊誤。燕紅衣礮我兵自亂爲所乘。河曲陷。王嘉胤據之。宣大總督魏雲中言兵糧缺者二十月。天寒士卒凍饑。故潰。宜速給布花補額餉。章下所司。科臣馬思理請碎王國樑并遇賊先逃。叅將李春方以肅軍紀報聞。兵部尙書梁廷棟以王承恩未還。王國樑新敗。兩軍之帥皆失其官。請用杜文煥提督山陝臨寧四鎮兵討賊。而以道臣葉廷桂白貽清爲監軍。文煥偕曹文詔馳至河曲。賊堅守。官軍絕饜道困之。會聞寧塞陷。文煥家破。宗人殲于賊。遂留文詔圍城而拜表西救。兵部調

保定尤世祿為山西總兵世祿勲階在文煥右乃亦命以提督偕文詔共圍河曲世祿麾下多將材自汪士任以下十餘人皆敢戰又用饒勲領黔兵以佐之乃王嘉胤以三千人出掠方裕昆敗績于櫻桃鎮又白雄遇賊戰歿虎大威尤勝龍等重傷世祿虛張首功塞上意以此威望大損世祿後八年五月兵部再推為宣大總兵兵科常自裕糾之日世祿軍前奏女樂在山西以兵威脅一鄉紳之室女淫之帳中晉人恨之入骨髓四

年夏四月文詔破賊河曲平嘉胤遁去 五月潞安

猗民作亂于壺關高平陵川 魏雲中罷以大同巡撫張宗衡為宣大總督 是月也嘉胤既出河曲以

二十四日從岳陽入屯留長子境此賊犯澤潞之始二十七

日從高平之長平取山徑至沁水坪上村正德間流賊亦于是

日至坪上從榼山西南行入陽城縣之北鄉知縣楊鎮原

固守賊從李丘長灣村而入南山官兵尾賊不能擊

點燈子自秦入晉犯竇莊竇莊在沁水東北張忠

烈公銓父五典築以防亂銓子道濬道澤官京師賊

至眾議棄去忠烈妻霍氏曰避賊而出家不保出而

遇賊身不保等死死于家不愈死于野乎躬率僮僕

守發矢石傷賊四日退冀北道王肇生表之曰夫人

城 六月初二日王嘉胤在陽城南山夜飲醉虐其

下左右殺之以其首獻嘉胤偽署右丞白玉柱降左

丞紫金樑名王自用復糾眾起兵三十六營號二十萬

六營八大王掃地王邢紅狼黑殺神曹操亂世王撞

場天闖將滿天星老狗李晋王黨家破甲錐八金

剛混天王蝎子塊闖王不沾泥張妙手白九兒一陣

風七郎大天王九條龍四天王點燈子上天猴丫頭

子齊天王映山紅摧山虎八月曹文詔率游擊談

冲天柱油裏滑屹烈眼等震同山西平陽道郭竹徵追點燈子二十七日至吉

州寧鄉縣三十日至河津稷山文詔西從黃花峪進

竹徵東由馬皮峪進賊窘急文詔單騎至其營諭降

賊目陳爾先白應真等以七百人聽命點燈子越山

北逸九月乃于康家山就擒伏誅 十月尤世祿稱

病廷議以曹文詔代之上以秦寇未靖不許以三屯

總兵孫顯祖為寧武總兵顯祖以縱家丁為按臣吳

文職揚鶴論其由媚璫為大帥且薦文臣為非體故

罷任後復為三屯總兵領延兵三百于三年七月二

十六日往宣撫之永寧顯祖奏閏十一月訖歲終在

為冬防故即就近推用寧鄉石樓稷山聞喜河津等處擊賊先後斬三千三

百七十級毆畜產二千賊在聞喜稷山者眾且強官

軍力不敵被賊最慘者寧鄉殺傷五千餘聞喜殺傷

周應乾被以督陣內官王承詔為徵乞再發京營兵

策應 五年春孫顯祖敗賊于萬全之解店鎮賊走

猗氏追敗之又及之于夏縣洪水鎮佯乞撫昏而傳

我營以有備不得入。宋統殷請留裁驛銀十萬兩從之。二月孫顯祖部將劉敏元敏元勳靜樂寇逃回兵三百呼囂愬道臣索餉顯祖同監視內臣孫霖拊之乃定。三月汾營游擊劉光祚敗績于臨縣之三教村。賊犯沁水寧武營裨校猛忠陣于端民鎮會張道濬以罪戍雁門命家將張道法張瓚率蒼頭軍同擊賊。賊中賊伏于平頭山戰死瓚馳救拔出其衆賊南趨澤州阻于河遂北掠長子。宋統殷疏叅孫顯祖罪奪其官上以馬士麟爲寧武總兵御史郭必昌奏孫顯祖寧武之兵一逃于靜樂再逃于永寧三逃于

寧鄉皆統殷失調度疏三上有旨統殷褫職勘以光祿寺少卿許鼎臣爲巡撫。馬士麟以病罷用張應

昌爲寧武總兵

應昌之命八月初二日下

御史張宸極言舊鎮

尤世祿孫顯祖殺良效貨狀

戶給事呂黃鍾請專

任曹文詔以晉事以寧武兵習于潰逃命應昌文詔各將其兵三千人以從。賊以七月破大寧八月破隰州再破石樓壽陽有客將吳開先者歛人奇士兵使者王肇生便宜用爲將常挫賊澤州西著勇畧賊從沁水攻陽城肇生以開先之兵至開先恃其能渡沁戰于北留墩下力鬪殺賊數百人礮盡無援一軍

皆歿賊乃移營攻澤州州人叅政張光奎者守八日
救不至城陷死之澤大州也全晉爲震動閱半月賊
已南下太行山浸尋乎濟源修武而畿南豫俱中賊
矣 賊破臨縣臨縣倚黃龍山榆水出焉入于黃河
其城三面鏡絕壁而西阻水前王嘉胤攻八晝夜挫
而去王之臣一名豹五乃神一魁餘黨有梁明倫者縣諸
生與賊通道臣潘光祖信其語誤招安致陷王之臣
得之以頓其貲距守北河曲許鼎臣移苟伏威馬杰
之軍攻之有旨催急擊張宗衡亦以兵來會賊與承
寧山土賊田福田科等爲聲援久之不下 當是時

兵部以晉賊之急有三西在平陽東在澤潞西北在
汾太沁遼三路並急議督臣張宗衡駐平陽任東西
二賊所將白安虎大威之四千人加以李甲兵一千

李甲時爲
孤山副將

賀人龍兵一千左良玉兵二千五百得八

千人以平陽澤潞四十一州縣責之撫臣許鼎臣駐
汾州任西北之賊所將張應昌苟伏威之二千人加
以史記頗希牧兵一千艾萬年兵一千五百寧武兵
一千尙嵐代州北接利民馬站老營兵二千得七千
人以汾太沁遼三十八州縣責之于是總督張宗衡
提陽和兵從澤州潛師尾賊後至于陵川勝之再擊

賊于潞州之西和大勝之斬首二千級十月陽和兵破賊于陽城縣之陽泉又破之于沁水毛連溝鹿臺寺石塔杏峪斬獲皆千人十一月賀人龍李甲艾萬年三將以關中之兵至鼎臣佯檄人龍令自從而陰令潛師由介休靈石以進平陽艾萬年入黃蘆嶺李甲入文峪口分道決鬪張宗衡以三將受撫臣節度也怒而檄之還三將惶惑無所聽命無何賊大隊轉入磨盤山方廣六百里間正虎據交文以窺太原邢滿川上天龍據吳城以窺汾州紫金樑衆十餘萬以秦兵豫兵毛兵盡聚澤潞東南乘虛突犯東北

從沁州武鄉以陷遼州尤世祿病閑張宗衡強起之與李甲賀人龍同援遼州自遼州以往軼榆社剪榆次逼壽陽距省會五十里鼎臣撤臨縣之圍反顧根本而專任總兵張應昌守道潘光祖以恢臨時五年十二月也六年正月朔官軍復遼州賊時已去諸將多殺遼民以為功李甲獨不可晉人稱之二十日復臨縣成約永寧山土賊于十八日會小神頭山謀劫營難民縋城出報撫中軍陳國威假稱豹五來迎手斬田福等懸之城下鑿城七八處賊始懼叅將劉光祚功為多光祚前坐徵至是獲宥宋統殷猶在擊賊于長子賊轉入沁水復犯竇莊張道濬率鄉人設守時官軍屢捷

而秦兵將至賊乃請道濬相見紫金樛免胄前曰我王自用也誤隨王嘉胤故至此道濬詰以旣降何故縱火賊以衆爲解有一人前致詞甚善問爲誰曰宜川諸生韓廷憲也旣聽其約統殷命守備薛天祿受之陽和兵乘不備襲賊賊怒而殺天祿敗約南下

初紫金樛之敗約也韓廷憲欲圖之不遂乃以三騎來歸賊至郎壁廷憲偵亂世王得一民婦惑之言于軍曰是賊與紫金樛爭一婦人其釁可以說而離也貽書間之云紫金樛將縛以自贖賊久合聞之其衆遂分分七大股股萬人

日混世王日關鎖日八大于日曹操日撞關天日典知哈

利或五千人圍孟縣殘忻州窺定襄踐五臺而曹文詔奉合勦之旨再渡河入晉于是月十二日抵霍州遇賊萬衆過汾河卽奮擊破之二十四日破賊于孟縣殺千人賊渠多死二十九日文詔追賊于定襄及之于壽陽縣許鼎臣命謀士張宰先大軍嘗賊賊驚潰猛如虎別戰于黑山大克姬關鎖一營殲焉 二月六日文詔追賊于西堰十三日于碧霞村如虎皆力戰混世王死如虎號敢戰前以十二月擊邢紅狼解高平之圍矣至是與文詔合擊賊如虎與頗希牧逐賊壽陽之東賊于固莊北遁會文詔兵自北至相

遇于方山之開府村斬賊四百四十九級自混世王
既死五臺孟定襄壽賊平許鼎臣以曹文詔軍平定
州備太原東張應昌軍汾州備太原西十五日鼎臣
偵賊在西山之奄峪逼神縣遣陳國威猛如虎馬杰
往及之于來遠寨破之二十日文詔與賊戰于大谷
二十二日文詔與如虎國威逐賊于范村斬級數千
二十九日文詔再破賊于榆杜太原餘孽幾盡 三
月賊從河內上太行曹文詔禦之澤州之九仙臺大
破之張道濬遣張瓚伏兵三纏凹邀賊擒其渠首獻
闕下賊遁入潞文詔以兵四千至陽城中途遇賊過

之不顧曉抵沁水薄暮還潛師掩擊于芹池劉村寨
上等村斬首千餘 初曹聲言平陽擊賊民失望至

是始服 初九日賀人龍兵潰按臣李嵩疏論張應

昌逗遛避賊

賊在寬水峪而南抵襄陵賊去黑龍關而宿劉村賊到蒲縣而方抵黑龍關賊

從仁義驛東奔一股從汾西山下舍之不追仍回平陽府三月初七日方起行置稷河西垣絳東賊不問南走曲沃無賊處十二日遇賊馬頭山又黑龍關有斬獲不乘勝追襲回兵太平致賊遠遁

所斬級皆細弱驗係良民 是月也猛如虎破賊于

介休之紅山嶺 四月賊駐陽城縣之潤城初四日

賊陷平順知縣徐明揚被殺初七日文水縣降賊惠

天庫叛陳國威討擒之 曹文詔以十八日晡時抵

周村周村去潤城十五里三鼓襲之出賊不意斬一

千五百級張應昌亦再有斬獲賊紫金樑老狗狃從

榆杜敗北奔武鄉過天星遁高澤山先後為文詔追

殺兵部奏曹文詔鼓舞李艾二將殺賊一月五捷今赴豫與鄧圪夾擊俱有功其弟曹文燿在忻州死

賊難蝎子塊尋為應昌所敗八大王掃地王則萬年

應卹人龍破之俱有功許撫疏云交城山古之呂梁山也土人據以為險靈石震山之間有

韓信嶺太原潞安相通之路有南關翼城沁水之界有東烏嶺平定以東有栢井各宜設守備一員統兵

六百又秦中降丁安插河岸上自西河驛與青龍渡相直五虎所轄也中自含峪村與花地底相直黑殺

神所轄也郭家河與石樓之崖頭關相直番山鶴所轄也又下至延水關與永和關相直金龍所轄也賀

人龍有功宜用以設防職方郎李繼貞覆奏添兵五千四百馬一千留餉五萬必難如議河防現有兵一

千但以馬五百與之駐劄青龍鎮賀人龍加都司僉

事銜料理防河韓信嶺責之平陽南關責之澤潞栢

井中西責之太原東烏嶺責之平陽澤潞三

參將各以兵數百委官分守兵將俱可不增

許弔臣奏稱流寇三十萬流毒晉地五年仰藉皇上

威靈就殲十之五解散十之三所存西賊萬餘遁濟

源山中其山為王屋底榘析城中條今令李甲艾萬

年從澤川陽沁之延巒天井關入賀人龍李杏芳從

垣絳之邵源關瞽塚村入此西路進勦之大勢也東

賊二萬遁輝林武涉山中其山為青羊峪赤狄國王

莽嶺伏牛山碗子城小西天大王莊孫贖坡箕山遠

山總兵曹文詔中軍孫茂林自潞安之黎城入臣遣

麾下猛如虎等自遼和樂平之臯落山入此東路進
勦之大勢也太汾西北有三關道臣在焉賊王剛等
不滿三千總兵張應昌叅將劉光祚任之自可計日
奏功他盜如霍州之東山趙州之休糧山隰州之水
頭鎮石樓之花地窠孝義之開府喬山二寨蝟毛而
起則皆目爲土賊可折箠笞不煩天兵然鼎臣之言
亦聊以寬文法紓主憂而上意亦第謂此饑民不足
置寇數也 五月許鼎臣以饑民反者益衆請捐數
年逋賦上不允 犯沁水陽城日急曹文詔大破
之于小河村又破之于遼城毛嶺 六月賊陷和順

邑紳昌平兵備藥濟衆被傷不屈投井死時曹文詔
調援豫李甲破賊于 之天井關艾萬年破賊于
陽城之延家山 七月初六日賊夜襲平樂陷之
賊以曹文詔在豫也復返晉官軍會戰于岢嵐州失
利游擊許國運被創死 張應昌之卒潰于鳴謙驛
曹文詔改大同總兵 許鼎臣罷以陝西按察司
戴君恩代之 八月賊陷沁水賊自翼城逼沁水李
甲駐高平王肇生三檄之不應十一日賊攻沁水陷
之賊渡河五犯沁水張道濬有城守功道濬前在朝
以言事得罪公論與用軍功湔祓會沁陷乃誦其勞

不許 十月朔戴君恩始視事先是孝義土賊通天
 柱臨縣賊王之臣皆來降而三關賊王剛者以十月
 降官軍由五臺深入捷書聞君恩既視事休諸降賊
 桀黠反覆謀戮之 七年甲戌正月召王剛詣軍中
 宴伏左右力士斷其首令軍中并殺通天柱王之臣
 于他所 剛在交城文峪口天柱在孝義縣王之臣在
 黃河張家坪托犒賞致之正月初七日迎春
雜壯士其中方席地飲 其翻山動姬關鎖掌世王三
即生縛剛餘以次擒 賊尋生得獻俘京師惟岢嵐盜高加討 即顯
 道神 勢甚張
 歲惡饑民附賊日益衆 上發帑金十萬兩勅御史
 陳乾陽往賑新撫吳牲前任秦素習寇知君恩委弁

多延綏人與賊通糜餉徵其尤害民者戮之察諸將
 惟猛如虎大威沉塞可任而麾下安集椽龔能具
 曉阻隘曲折能用謀以間賊賊果內自疑持其魁劉
 浩然 即鄉
 里人 首以降高加討出掠我師追至忻代山中
 加討所用棗挺重三十斤長九尺馬上舞之銳不可
 當正瞑目大呼虎大威迎射一矢中項乃殪加討之
 黨曰賀宗漢 即活
 地草 聞之懼僞乞降于寧州劉光祚伏
 兵山隘斬之是為八年乙亥春三月晉中三大盜俱
 斃 先是曹文詔之入晉也論功僅中賞率不則宜
 還之秦其改大同也以前在洪洞與劉御史之不相

失而御史適按豫遂摺拾糾之文詔殺賊太行山中
御史相見于懷慶是日蜀帥敗賴文詔力戰大破賊
甫解甲而御史語言輕重不得文詔拂衣起面叱之
廷議謂文詔怙勝而驕緣功大不能難量移大同大
同尋有兩縣失事遂致其罪當吳姓按秦以慶陽之
戰知文詔奏功于朝又薦其部將馮舉曹變蛟等比
撫晉而文詔已論戍乃上書追訟其功承疇亦請貰
文詔責後效用自助上乃以文詔還之然賊已滋甚
不可爲矣蓋文詔有大將才在大同及得罪不與討
賊者兩年而賊從畿南豫以復入于秦

畿南之被寇也六年正月初四日賊騎闌入西山距
順德百里大名道盧象昇率兵禦卻之 二月賊以
左良玉兵挫于武安也從小山澗入真定井陘道寇
從化檄守將李定王國璽李胤救之國璽中賊伏胤
馳救士卒傷殆盡國璽潰圍出賊分其伍爲二北向
者西犯平縣東窺固關南向者剽河北慶輝諸府科
臣孟國祚曰畿南咽喉重地順德爲大平原千里直
走京師非有河山爲之蔽也今晉有曹文詔張應昌
豫有左良玉鄧玘賊將何之乎昔之秦毆于晉晉毆
于豫者今轉而毆之順德矣請通州兵二千馳救許

之四月沙河臨洛告急按臣衛景瑗請昌平兵二千
援之報可 真保巡撫丁魁楚以四月二十一日移
鎮順德丁魁楚奏騷動畿南者盡是遼兵由王威老
耄剝削其軍故全營八百人俱逃威僅追回
一百九十人其餘皆棄而為賊保定總兵梁甫以八千人馳至洛邯
會勦西山義勇糾其父子兄弟紆家難自請殺賊二
十八日自順德至內丘由臨城抵郝庄賊眾數萬屯
小西天山中梁甫屯龍門距賊三十里大名道象昇
駐內丘西東黃寺井陘道從化駐臨城西五月初三
日接戰明日又戰賊走臨城西山初七日游擊董維
坤被圍于冷水村梁甫分兵救之別設覆于石城南

賊遇伏大北退歸小西天老營翼日大名道象昇再
邀之于青龍岡破之象昇臨陣以身為士卒先矢石
滿前不為動軍中目之曰盧公真能將也 上命太
監陳大奎閻思印謝文舉孫茂霖為內中軍分監文
詔應昌良玉玘軍發帑金四萬綵段千疋為軍前給
賞 文詔夜襲賊于偏店賊已走多墜崖谷諸將會
兵逐之沙河從邯鄲南逸 八月初四日賊復犯沙
河縣之丹井入邢臺西太上井 嶺盧象昇同大監
楊進朝擊之有斬獲二十四日賊屯元氏縣梁甫擊
之于石家溝斬首百餘人 九月犯平山縣賊首張

有卽一蓋燈為張應昌所將卒楊芳所擒十月犯行唐
靈壽平并尋犯趙州至寧晉舉人李■并其姊
與弟皆死之賊阻清水河不得渡掠南宮縣甚酷梁
甫兵在獲鹿不時至賊恣蹂栢鄉西去兵科盧兆龍
請致梁甫于理不行五臺山廣袤數百里南通畿
輔東枕雲中北接雁門西連太原賊據顯通寺以中
臺為輿突其中糗糧足廬舍完賊阻其險以游魂假
息我師有真保二鎮重兵兼鄧玘之川卒倪寵王樸
之京營合諸將兵力殄逋亡延命之寇沛若有餘顧
羣帥頡頏不前猥云山深路岐邊長而賊衆雖奉明

詔夾勦寔莫肯深入霆擊也七年報功疏曰流寇
自六年正月追勦出境後再犯于四月七日自茨龍
以至濬滑地幾千里衆逾十萬及十一月十二日始
奏廓清六年正月賊入漿水川守備楊芳有白會村
宋家庄之捷閏四月解武安之圍而遼和之賊大盛
則有侯蘭村之捷進屯滹沱店有牛家峪之捷梁甫
初會師有八方冷水石城之捷小魚山之捷賊遁南
沙有石盆口支碣口之捷流氛剪艾略盡賊收餘衆
而西又有桃樹坪許兒崖之捷京營紀倪兩總兵援
豫次順德遇賊於牛皮窩破之所將卒又有漿水川

之捷宋家庄卽滹沱米花寨之捷鐵連山之捷贊西
玉皇廟之捷秋後賊勢北向動萬以數撫臣所將卒
有石家溝之捷許亭沙灘及銅冶之捷井陘道所將
卒有洪洞張村之捷都司田時升有青沙黃沙之捷
梁甫有溫塘場之捷游擊李定有北峪之捷小棗庄
石頭寨之捷楊芳有南佐材成角村之捷主國璽有
黑潭河之捷趙完壁有四社之捷鄧玘以川兵赴援
甫人境則有白草關之捷賊寇平山有紅子店馬種
川之捷賊遁青石嶺有紅澗村之捷又有醉漢口之
捷賊南奔又折而犯臨城玘逆要其前有魚柱嶺之

捷賊從山後奔入邢西梁甫扼于黃寺八方之間賊
不能東會京營奉旨赴畿賊悉逃入武安陽邑濟城
等處爲團結鄉勇所擊皆死偏搜山谷直抵丹井畿
南之境幾于無賊或云畿南討賊有監視內臣撫鎮
依之以濫功賞奏報多不以實當賊在內丘臨城間
監軍者大名井陘二道大名道盧象昇手與賊格戰
刃及于鞍失馬以步鬪免爲賊所憚不敢窺大名魏
人至今言之䟽止叙井陘而不及何也然盧卒以功
名顯

豫寇之劇也視秦與國難相終始不可以月日疆域

爲斷獨其初受兵實始于河北三郡三郡者懷慶爲
上彰德次之衛輝又次之當郝土膏之撫豫也二十九年
二十九日豫撫郝土膏報移鎮豫士大夫憂賊以宗祿羸美歲四萬
追溯鉤考可數十萬請練鄉兵中州富實搜贖緩出
捐助事亦易辦不果行昌平侍郎侯恂豫人初開軍
府拔左良玉于行伍用爲大將良玉感激思效豫士
大夫亦信之五年九月賊掠懷濟焚清化破修武
知修武事劉鳳翔縋城遁道被殺縣尉余守彬訓導
朱家彥紳士侯來問等七十餘人俱死賊居三日陽
和兵至乃去突人清華鎮焚殺數千家旁掠武涉輝

縣遂圍懷慶叅將黃士英戰没于河內之大山口守
道尹伸知府別如綸率紳民固守廷議用昌兵殺賊
以千二百人付左良玉而陳永福以裨校從征其大
指專在中州會修武清化之寇竄入平陽因檄良玉
入晉十二月初十日賊抵王屋山犯西陽衆二萬官
兵二千餘人用砲擊之賊死者三百西遁聚于高平
之間時撫豫者樊尙燦郝土膏後又有吳光義光義
難去尙燦由太僕少卿辛未
任以左良玉爲請疏曰昌鎮之兵卽河南之兵餉卽
河南之餉樞臣移緩就急臣不敢爭但豫非無事賊
氛漸逼請以左良玉駐澤州適中之地北可以援高

平長子東可以救臨縣潞安西可以應陽城沁水爲
晉保境兼顧濟源詔從之聽良玉受尙燦節制并諭
曹文詔以同心殺賊有急則秦兵騁而東豫兵逼而
西晉兵從中橫擊勿以交境爲解 六年正月初九
日賊在邢臺由三省接境名摩天嶺窄道崖直抵武
安犯隰州初十日陽邑陷叅將芮琦守備王繼統死
之十四日左良玉勝之于涉縣之西坡賊望昌兵旗
幟皆讐懾然謀噬中州益甚二月左良玉兵挫于武
安賊以三四萬從趙寨而東都司蔡如薰禦之于急
呼河中軍曹鳴鶚馬擢相策應至邠原關卒遇賊鳴

鶚與戰勝之天晚結兩營相犄角平明鳴鶚提刀衝
突戰至巳賊益多火藥盡移營合擢軍營開爲所乘
二將及裨將姚應鵬皆死鳴鶚將種矯健善鬪擢持
軍觀望不力故敗兵千餘悉沒賊得氣愈逞走輝縣
知縣事張克儉有備賊乃聚衆于輝之百泉書院三
日循楮丘而北屯據林縣之山谿元材趙村饑民揭
竿相望而起 樊尙燦罷以太常寺少卿玄暉代之
有旨玄默同巡按劉令譽查前撫失事 三月賊再
入河內十七日左良玉逐賊于輝縣賊從十八盤黃
端口南下奔河村入修武清化游擊越效忠登屋避

賊墮賊執而戕之陶希謙故儒將賊追急馬驚落墜而死左良玉救武安二十日襲賊于萬善驛二十八日大戰于柳樹口再獲其首惡賊乃西奔四月十九日馬鳳儀邀賊于臨洛關二十六日左良玉破賊于武安獲賊將囚之逸追之復得曹文詔與黎城之賊戰涉縣之圍解先是豫中有毛兵有鄉兵不過七千賊犯覃懷失數百犯武安亦如之犯濟懷失千人至是再犯武安三犯清化效忠希謙之敗額兵折亡殆盡左良玉一旅之師勢成孤注不得已而請鄧玘川兵又以石碓土司馬鳳儀之兵益之玘以六千人

戍遵化也久客思歸再復登州有功詔獎其成勞勉以便道殺賊許功成之日還蜀鳳儀從遵永調防固關登州平保兵還鎮龍固守禦有人改以赴中州之急禮給事中張鏡心有河南四路宿兵之議遂命良玉玘鳳儀當其三豫撫整頓毛兵當其一然毛兵屢敗不可以用也賊礮石甫發于孩兒村鳳儀以孤軍在侯家庄被圍孫弘謨楊芳等兩人保撫中軍不能救石碓兵俱沒五月鄧玘擊賊于濟源之善陽山射紫金樑殪之或曰王自用自病死其衆散他部以去十二日賊十餘萬逼礪川玘救之賊攻彭城鎮不得入鄧

左二將會師于彭城賊在湯淇去衛輝十五里十六日二將勝之于清池柳庄賊乃退入林安山中川將楊遇春邀賊于大峯口二十五日賊至林縣遇春先驅毛營丁守賢繼之南陽兵錢繼功殿遇春中賊伏死賊得其旗幟誘守賢并歿復攻繼功勿動賊始輕鄧玘爲不足憚二十九日曹文詔率五營兵夜襲賊于偏店村賊敗走墜崖谷無笑鄧玘亦于胡谷村追及偕良玉同逐賊沙河賊自邯鄲南逸 六月初六日賊圍湯陰鄧玘被困于土樵窩良玉救之始脫豫撫以輝縣急一日夜二百里穿賊中馳入城揮諸將

追賊當是時賊負太行山爲阻晉苦所備者多豫實單虛不能并力豫士大夫請以洪承疇移駐潼關兼制晉豫二撫與曹文詔鄧玘張應昌三鎮兵爲便上曰勦賊撫鎮專責別設總督反滋諉卸不如重兩撫事權副總以上奏請叅遊以下軍法從事俾節制三大帥而責以三月必殄賊有不及期者罪之時潞王有疏告急言衛輝城庫土惡選護衛三百人助守先後捐米七百石銀三千兩歲祿麥銀六千兩益餉又因故妃塚被發以鳳泗陵寢可虞并勸上早行揃薙毋輕視賊上特命倪寵王樸爲總兵以京營兵六千

行監以太監楊應朝盧九德賜二帥弓矢千五百戰馬三百皆選騎可用倪王以中官請竊爵賞職方郎李繼貞爭之曰倪寵馭歷邊疆在京營六年陟大帥尙未爲過王樸乃王威子原無實歷副叅之任累次叙加多從其父分功推京營僅逾半載以府銜出征其誰輕之又求加總兵恐無以厭人望左良玉李甲皆身經百戰位次反出其下恐聞而解體宜量加左李二將以都督僉事署總兵庶無相臨之分有以安其心焉上深領其言命從之于倪王則中官以爲有成命不欲奪也 七月河北道袁楷追賊于濟源之

南窰走之鄧左二將再破賊于官村于沁河于清化于萬善左軍武安八德之捷扼之于隘所斬獲尤多曹文詔又擊之懷慶之紫陵村湯九州駐兵水冶居安林磁武四邑要路賊不得逞 八月六日賊焚溫縣之西關 九月湯左二將及京營軍屢有斬獲 十月賊之奔晉者復返豫京兵尾其後湯左扼其前湯兵勝之于青店石岡京兵勝之于石坡牛尾賊困 十一月官軍于武安之柳泉于猛虎村再破賊賊張妙手賀雙全等三十六家詭詞乞撫道臣嘗道立信之因太監楊進朝以請會天寒河冰合廿四日

賊從毛家寨策馬徑渡是爲澠池縣之馬蹄窩防河
中軍袁大權遇敵死河北諸軍謬云追之半渡因冰
解不及自此三晉畿南懷慶彰德衛輝三郡不受賊
禍者十年而遂有甲申之事

舊史氏曰予嘗觀靈寶許公邊鎮圖稱嘉靖七年延
綏歲饑軍民幾致禍亂深咎弘治成化中本色改折
爲非策蓋居延本羸秦所開河南地漢唐用之控帶
荒徼宋設重鎮專制夏人土風粗猛邊人不知作業
用之則爲我兵棄之則爲我寇自昔然矣當崇禎元
二年間朝廷若豫憂秦地俾主計者盡補三邊十年

之餉而出內帑數十萬金以收召鄜延環慶之饑民
三年可成勁旅卽國家獲其死力豈徒西陲無警已
乎胡爲棄此子遺立視顛仆而莫救彼皆河朔健兒
長大帶劔豈能如嬰兒之絕哺乳老羸之轉溝中故
王嘉胤白挺作難清水營木瓜園蠶午景從神一元
振臂大呼新安堡柳樹澗雲合響應其後兵拏不解
乃至竭天下之財以填黑水之壑惜乎用之有遲速
而治亂之形異也楊鶴提關隴十道之兵掃除兇醜
賊鳥驚獸駭勢將自離不以殄滅爲期顧與劉廣生
日事招撫賊初嚴督府若神靈匍匐不敢仰視今日

者厚賞賚設飲食命坐煦煦然與之言慮傷其意其
慙者或疑此謾我也稍黠者笑以爲怯且自笑爲良
民窮餓時持一升麥伏草間小吏掉而笞其背非亡
命走險庸得若是乎里語有曰不索何獲吾儕小人
今日方知作賊之利也卽鎮兵亦見而慕之投所支
月饒於地詬曰奈何不早爲賊夫人心動之甚易靜
之甚難若火之方燎不撲滅之又蘊崇焉于誰責而
可乎或曰賊本荒裔愚人饑寒乞活以至于此不撫
忍盡誅之乎是不然洪督師先在榆中黨家溝薛家
崖招徠一十八寨意未嘗不在撫也西川鐵角城二

役散遣固已萬計駢首幾及千人豈不恨於殺已降
顧此曹從惡日久怙亂反覆納之則成其計誅之則
喪其膽威信旣立接踵歸誠未始堅彼執迷實足開
其善意此已然之效也如鶴者取空名告身數十道
與賊招大神以要盟是真以張角爲大賢良而交質
子于跖躄也夫鷹雖可鳩而苗忌有莠彼且飽則颺
矣我勿鋤而去之慈母寡操筆之心壯夫失解腕之
智欲以制猛虎于決躡得長鯨于懸餌豈不謬哉晉
人之言曰賊虐始于秦而棄疾於我

巡按羅世錦歸
晉于秦謂以隣
爲壑給事中裴君賜晉人也奏曰必責
成秦之撫鎮驅之回秦而後再議勦撫

有盜千人

永寧州之孟門鎮有盜千人勾陝西大同集口之盜合二千餘人

而壺關

狃民繼起此可盡謂之秦賊乎自烏鼠至于勾注文弛武玩其病則一胡廷宴仙克謹以釀亂繩之未始有輕重也士大夫沿承平餘習端拜詳視需次而至公卿其出膺節鉞率坐不闕堂願使鈴下虞侯示威重莫適勤念兵事者微獨此也烏程相密勿大臣戰守機宜至主從之取計吳興化受命撫晉辭謁西朝房相國揖之曰流寇癘疥之疾不足多慮是時賊已踰底柱涉河津當國老謀猶置之度外此扁鵲視齊桓侯之疾在于骨髓而左右爲禁方者以害未中于

腠理有不瀕死者幾希矣書曰用命賞于祖不用命戮于社曹文詔喋血兩河崎嶇百戰手挈全秦還之天子宜按勲格剖符定封乃苛以小文陷之他事內隳忠臣之氣外厭讒夫之謀賊因挺解得以養其梟雄王國樑孫顯祖喪師失律非有桑榆可收之才跋扈難施之勢若坐而斬之纛下卽諸將軍股栗而逸罰自如功罪混淆其何以戰天子遣龍武親軍以重三輔儼如六飛之在行而將吏勤惰出于殿師夙沙觀軍朝恩之口左良玉湯九州之徒所以徘徊而弗擊也嗟乎三晉地形險固畿南河北山川犬牙相錯

神京扼之于前黃河繞之于左闔外諸君并心滅賊
譬如逐鹿園中探丸囊底飛走路絕形屈勢窮乃縱
使渡河魚爛土崩不可復救當事知塞太行之口而
不斷黃河之津君子于六年十一月澠池之事未嘗
不撫卷太息以爲此中原之所以潰國家之所以亡
也余故詮次流寇始事之畧而以澠池終焉

附記

杜文煥曰文煥于庚午二月督延綏固原兵三千
諭降王之爵等七百人而苗美潛伏小滴流山再
破之追至安塞縣之鐵葉塞已入其軍而美復遁

尋獲其首于賀家灣賊黨所自獻也延東黃甫川
賊王嘉胤齊三等以延撫標下副將李釗求貨于
賊怒而襲破黃甫清水木瓜三堡洪公以鎮西將
軍印授余討之余先擊齊三以斷嘉胤聲援陣于
三神堂佯退誘之返鬪大破賊賊約嘉胤同送款
余不許勒兵誓衆陣斬王嘉胤等露布入告時天
旱民饑賊大起米脂賊張獻忠所據十八寨僞乞
降余陽許之先討清澗保安安塞諸賊俘斬八百
人而府谷餘孽王家用等復起陷山西河曲大司
馬梁公廷棟請拜余爲大將軍兼督秦晉兩巡撫

親履行間運糧草紀功罪余聞命馳赴河曲家用
阻險堅守天沍寒大雨雪梁公檄摧戰余不可曰
如此我士卒必傷絕其糧春至鼓而下之百全之
道也會寧帥饑軍神一元攻陷延西新安寧塞柳
樹澗三堡寧塞余所居宗人多死乃留曹文詔圍
河曲而拜表西救神賊時棄寧塞陷保安已又據
合水圍慶陽府余與戰慶陽城下斬首無筭賊僞
降總督楊公鶴信之下令曰一魁就款已題寧塞
安插官兵妄殺一賊者用兩兵償余嘆曰賊襲陷
寧塞畏我而逃今借名城爲盜資我宗人可與賊

逼處此土乎遂以其族行尋爲楊鶴所中乃得罪
以去觀此紀則嘉胤已死于黃甫川而陷河曲者
乃其黨王家用爲兩人杜公榆中世將其論西事
必核顧于督撫所奏報獨殊余疑之後讀李少司
馬爲職方所覆奏有云文煥身爲大帥王嘉胤之
級真僞不辨信其已死懈于追擊然則杜公臨事
已誤其著書示後猶護前不改耶梁大司馬爲人
有幹濟才嘗請補三邊缺餉弁拿問秦中貪殘有
司非前後數公可及其奏杜文煥爲大將假事權
用西人以辦西賊不爲無見杜自謂勦撫異同受

忌中傷而吳興化所勘延川殺良狀以杜部將李崇榮殺逃難民曹孟孝等一百九十九名口與李應期所糾相合杜因此下吏吳與應期先後以撫糾楊鶴者也其事安所考信姑兩存之

三年十月職方李繼貞請賑延綏疏曰皇上以數萬金錢而活數十萬生靈福澤莫大焉活數十萬生靈而農桑復業賦稅嘗供所獲不止數十萬金錢也利益莫大焉彼地斗米銀四錢發銀不如發粟之有濟宜先發四五萬金用董搏霄人運之法就近糴粟輸至軍前更勅省直接納事例及贖緩

俱輸粟入邊不許折銀酌量腳價低昂其值使輸者稍有饒益則輸必多可以撫饑可以賞功而依賊之民必散賊不就降即就縛耳

四年正月二十三日再覆延撫杜鎮疏曰賊勢燎原延撫洪承疇秦帥杜文煥各以本地爲急西馳不復東顧疏請撤王承恩還鎮夫入衛西將之宜撤回臣部籌之久矣不獨王承恩宜還鎮延綏雖楊騏亦當還鎮固原也不獨二將宜還鎮其部下之兵亦宜隨之西還非以逸之乃所以用之順其西歸之性使之殺賊賊平乃許歸鎮必爭效命秦

中撫鎮既得西來兵將之助勇氣自倍賊當消沮而後乃可勦撫並用撫非撫賊撫我饑民之從賊者也已從賊者雖多猶有限未從賊而勢必從賊者無限當此斗米四錢之日慈父不能有其子而能禁其束手就斃乎撫臣請留站銀止可權給饑軍安能及民宜如神廟四十四年特遣御史賑荒東省之法一以宣布德意一以安輯流亡必得三十萬石之粟以往在附近州縣稍熟地方賢有司設法糴買運至近賊處所盡心賑濟賊就撫者給以耕種推誠安插如此則民之已化爲賊者將還

化爲民而將化爲賊者且永不爲賊賊黨漸散賊勢自孤必有斬元惡以獻者矣此費應在戶部戶部有則宜立發無則亦宜力請若戶部不請臣又不代爲請日復一日殘破愈甚將費數百萬不能收拾而人民逃竄東作盡廢延西平汾之百萬錢糧歸烏有矣雖增兵增將何救于事哉度今日平賊之費與他日平賊之費孰多今日借出之費與他日有出無入之費孰得當有不俟臣言之畢者矣疏入上乃令王承恩還鎮遣御史吳牲以十萬金往賑而藩王以下捐助五萬金粟麥二萬石然

所救不及十之一
四年七月因遣楊嘉謨還鎮李繼貞再疏爭之曰
前賑臣携十萬金往度一金一人止可活十萬人
而斗米七錢亦止可活五十日耳皇上宜勅賑臣
回奏前十萬金果足乎不則當早沛恩膏雖內帑
不宜惜也余時初登朝李談及世事輒太息曰賊
初起得十萬金便可濟吾爭之經年始見從今賊
勢已十倍于前非三十萬石不可至以上以國用匱
乏慎惜金錢雖下手詔命尚使所齎止此如以杯
水救車薪庸有濟乎李清練有識其先幾料得失

歷若指掌上召見賞其有執撫天津有效尋倚爲
大司馬時寇勢已不可爲李公亦大病臨歿猶以
國事爲念云

辛未二月上召輔臣九卿科道及各省監司于文
華殿上問山西按察使杜喬林曰河曲之城何以
賊到輒破喬林曰賊未嘗攻有饑民爲內應故失
守上問陝西叅政劉應遇以近寇所在應遇曰一
在延安一在宜川上曰寇亦吾赤子也不可純以
勦爲事王左掛旣降何又殺之應遇曰彼降仍掠
不得已而戮之以示警時上方勵精出治于輯瑞

時遍諮地方得失河曲之失守左掛之詐降皆有
關安危諸臣不能奏方畧答明問終于勦撫不定
廷議混淆負天子憂憫元元之意焉

按臣李應期有秦中流賊旋撫旋叛疏上命確查
新按臣吳甦疏曰延慶屢年缺餉又連年旱荒盜
賊蜂起東路則王嘉胤攻府谷渡河入晉西路則
神一元破寧塞破柳樹澗破安邊破保安一元死
其第一魁繼之又破合水圍慶陽督臣楊鶴以本
年三月移鎮寧州招撫一魁安插寧塞者四千有
奇尚有未盡餘黨如郝臨菴劉六等衆不下數萬

督臣五月初旬纔離寧州而保安餘賊已分掠環
縣真定之間延安四載奇荒邊軍倡亂煽聚米綏
清澗各鄉村被掠脅從甚衆幾于無民去年秋冬
之間諸盜如點燈子整齊王不沾泥之類延山蔓
野莫可嚮邇榆中州縣旣無可掠遂流劫延南延
撫洪承疇方收拾東西兩路于延南力不能及撫
臣練國事初任西安屯卒單弱不能制賊三月間
掠宜川雒水宜君中部等縣點燈子衆號數萬自
山西過河而歸據黃龍山一帶聲勢甚熾臣遵旨
蠲征延北士民始有更生之望惟西安北界韓城

白水澄城蒲城郃陽宜君中部數十州縣最受荼毒殺典史千總都中軍運糧委官鄉村殘破者數百計男婦殺死者數萬計五月總兵王承恩榆林道臣張福臻始統勤王兵五千餘南下勦賊屢戰捷賊望風潛遁乃督臣楊鶴移鎮耀州下令招安諸頭目掠取已飽有赴耀州求撫者督臣給賞花紅鼓樂迎導造花名冊予路費錢待之殊厚亦有臨陣抱旗乞降者如滿天星等榆林道臣張福臻收入行伍隨征者亦不下數百賊黨見大兵在南遂北歸延川安定清澗綏德米脂吳堡葭州故地

解散者一二嘯聚者千百鄉村打糧士民有官賊之謠點燈子聚衆五六千在清澗之解家溝花牙寺名爲就撫近復有渡河之報慶陽郝臨菴劉六等亦受道臣周自強之撫餘黨披猖于環合今又攻陷中部矣

上之命吳牲賑濟也延長見受賊圍同知趙鶴宣布德音其圍立解清澗有降賊黨雄等四百給散一如官軍米脂從賊者十之七聞賑還歸收入里籍凡三千人安見賊之不可欵附乎楊鶴之于神一魁給賞花紅鼓樂迎導索劄副則予以官求安

插則定其地奉之惟恐不及有潼關道胡其俊者賊獨頭虎已出其境追送九十萬錢名曰餽贖又因其索酒糈梁肉傳致給之當賊初起輕胡廷晏之安坐不擊謂此吾省城賢主人關中傳以爲笑余嘗疑其太甚由今觀之信乎其不虛矣

吳興化憶記曰予在慶陽曹文詔以其兵至時文詔以兵事與制府齟齬予問之制府得士心而不能將軍何也文詔曰洪制府爲人煦煦小仁御士以詐無雄畧英斷可遇小敵不可遇大敵文詔從征數年頗有功而幕下將吏不聞薦錄一人此

騏驥所以困于塩車也予問其所部可當一面者爲誰文詔以馮舉曹變蛟六七人對予許特疏奏薦文詔感激思效破賊慶陽前後斬數千級賊謀走平涼竄鳳翔由棧道奔漢中窺蜀予至鳳翔文詔勦賊寶雞山中累大捷賊不敢入漢中窺伺者文詔功居多予請之朝加文詔都督同知而馮舉曹變蛟等皆重用文詔每擐甲誓師輒告其下曰當有以報吳使君也夫洪制府倚文詔如左右手而興化猶謂未盡其用觀其慶陽軍中從容杯酒之語似胸中塊壘窒塞豈遂以身許洪公哉其後

間關轉戰洪公推置不待言而文詔報之以死兩人相得固非旁觀者所能測量興化追憶其生平酒後褻言後知僕射短長有關駕馭因以信古來奇材壯士受知立事之難而專征仗鉞者當念將將之不易也

秦人曰崇禎元年清澗有一書生孟長更于本處石油寺日則讀書夜則點燈抄寫鄉人訛言長更在石油寺若黃巢造兵書作反長更不能自白恐官司捕之遂倡衆作亂因長夜點燈逼迫至此衆號爲點燈子云

秦人刑給事中薛國觀疏曰賊之恣也由喬應甲撫秦置劫盜不問實釀其禍當魏璫修郟關中諸君子追贓令亟應甲狂易有心疾咆哮闕怒噬若瘞狗顧于探丸惡少煦煦畜之何哉夫盜賊小人一氣所出胡廷宴本閹黨也其名在逆案中贖耗罷愞迺與兇暴者同害人皆知思陵遭遇百六而不知逆閹竊柄七年于建牙大吏遍置私人其政事衡決法令廢弛足以蘊災而召禍此可爲太息者也

鄒漪曰懷宗皇帝英明勤儉不可謂非令主乃其

受病獨在慎惜金錢大學云財聚則民散財散則民聚孟子曰民爲貴社稷次之當賊之初起不過數輩飢民從之者無幾若早聽李職方言解散可待乃爭之經年而始行賊已瀾山漫谷此區區十萬金猶以杯水救車薪庸有濟乎祇緣廟堂之上以延綏視延綏未嘗以全秦視延綏以秦視秦未嘗以天下安危視秦以故忠言不用謂賊旦暮可平豈知涓涓不塞漸成江河後雖欲圖有圖之而不可得者矣甚矣時之勿可失也夫人主富有四海內帑所積除御用外何非長物猶記吾師李宮

允明庸之言曰先時發出一錢可當兩錢之費急時與人萬錢不敵一錢之用旨哉斯言可爲鑒戒卽如諸藩之陷何莫不由乎此楚府之亡也獻忠見其庫中金百萬笑曰有如此貲財而不設守朱鬬子真庸兒秦府之俘也天寒冰結不肯人給一綿衣福府之醢也惟謹錄鑰牡坐視軍民疾首蹙額而莫之救蜀府之陷也成都令吳繼善請發帑金散朽粟王不聽而周邸之守汴梁捐金至一百二十萬殺一賊者予一元寶以故人心成城攻凡三次圍至九月卒不得下成敗利鈍其効彰彰鳴

呼只坐一慳遂成胥溺有國有天下莫不皆狀御
史姜思睿有疏云貪小利而成大害由今思之其
言洵不謬矣

綏寇紀畧卷一終

綏寇紀畧卷二

婁東吳偉業駿公纂輯
清河弟書歸固以叅定
梁谿門人鄒漪流綺校

車箱困

癸酉冬十月山西河北賊乘冰渡河而南澠池陷伊

陽十二月初一日賊二百入伊陽縣焚掠盧氏初二日破俱不守蔓延

于歸汝南陽光固信陽之間十五日掠南陽府之南

千餘屯杏花山千餘屯沙阜口又別攻魯山往葉縣

十九日掠汝寧府之西平裕州二十二日掠遂平二

十三日掠確山往信陽州豫病矣禍先中于楚則何也豫之憂賊

在西河之間楚之憂賊在千里之外豫久而知警楚遠而弗戒以形則豫傲而楚逸也以實則豫堅而楚瑕也豫撫玄默率左良玉湯九州李甲鄧玘之兵待之境上嵩雒以北名城數十完守入保賊以故避勿攻竄入盧氏山中盧氏崇山造天牙踞趾錯礦盜盤阻鳴吠相呼賊因其嚮導循山間走直抵內鄉內鄉接壤鄧州浙水從浙可以犯鄧從鄧可以犯襄而鄧襄所轄則治院也為四省分地舊制固以徼奸人闌入承平弛玩威不足以行所部雖名一軍僅與道將等鄧額兵五百額餉六千有南屬馬兵百四十八人先經楚撫調去鄧襄二衛選鋒共四百人合鎮兵

不過九百不足當他鎮之十一屬城庠薄恃險與陋不備不虞賊于

六年十一月二十四日過河遂以十二月二十二日

破鄧西二十五日破上津七年甲戌正月二十九日

破房縣破保康直走空虛無人之地捷若風雨之至

鄧撫蔣允儀束手無策上書請死而已楚撫唐暉又

以賊之別股入棗陽唐暉以棗陽陵寢門戶發辰兵百五十名防禦初五日胡家河

一戰十圍南鄆賊圍南鄆鄧玘斬陷當陽惠王奏鎮

損八九圍南鄆首三百四十九級陷當陽草副將楊

正芳二十四日大戰殺賊數千恢復當護獻陵惠邸

陽賊入應山僉書周元儒有一捷為重留許成名楊正芳之兵于荊州承天未肯援鄧

鄧事且日急賊以正月由鄧陽金魚口過江至界山石花街近谷城置營其均州老營次自

鄧州九重院至光化境又次自雙溝至新野境而東陽之寇至襄陽蔡村渡且逼宜城六處齊集襄兵四應難支又自浙川入鄖犯南鄭宜城圍均州往荆門西北夔陵興山巴東麗陽等處朝議調鎮

算兵五千赴襄陽救援鎮算恐不及數又調施南各

土司兵以足之而賊已犯宜都夔陵松滋歸州浸淫

乎入蜀矣正月二十六日陷遠安歸巴萬山稠壘箐

薄密綿賊入其中首尾排進荆州推官劉振纓提施

兵從香溪壩平陽壩斬首頗多而楊正芳有金沙舖

二十七日日楊正芳舊縣李早有蓮花坪白溝坪鄧玘

有胡地冲許成名有仙女山諸捷二月初五日鄧玘

十里擒斬七若川撫董石砭之兵力扼夔巫不令得

入諸鎮戮力可望成功乃施兵緣援荆東下舍之勿

追夔關天險無一夫誰之何者此賊入蜀之始也涂原

疏賊殺蜀人之慘割手足曰瓠奴分夾脊日邊地鎗其背于空中日雪鰍置大城以圍數百小兒見奔走呼號以為樂日貫戲剖孕婦之腹抽善先是十一月

甲申洮州衛地震壬子定遠堡龍洞內銅鼓有聲甲

寅又有聲賊以二月二十一日破夔州府大寧大昌

開縣新寧相繼陷惟梁山以中書涂原集鄉勇戰箐

銃間用竹畚囊石乘高擊之殊大松而蹙之塞隘口

毒弩矢血濡縷輒斃賊畏之退入巴州川兵敗賊于

巴州賊攻太平縣石砭土司秦良玉以其兵至夔州

夔州新破蜀撫劉漢儒運長慶之米順流下兵賴以濟賊知有備不敢攻太平之圍解漢儒及按臣黨崇雅請用涂原以蜀人治蜀兵上不許賊攻保寧推官張一鶚設守新按臣劉宗祥已受事與川北道夏時亨謀禦賊不能下賊攻廣元七晝夜城上發礮石擊去之當是時延撫陳奇瑜克延水關賊新有功延水關者負絕險下臨黃河降丁鑽天哨開山斧者據之秦寇以六年平定二賊恃其阨塞屢攻不能下奇瑜乃潛師急擊焚其巢延寇始盡廷議以為知兵會楚豫告急以承疇三邊未可輕動于七年正月晉奇瑜

兵部侍郎總督五省而用大名道盧象昇為鄖撫代

蔣允儀允儀以無兵故薄其罪象昇初視事有威名

賊之入蜀者未踰月而返楚又二三萬蜀寇返楚者駐鄖陽之黃

龍灘分其軍約一上均州在河南一上鄖陽在浙川一上金漆坪過河往陝西商南又從盧氏往河南

於是總督陳奇瑜移軍自均州入三月十九日到均州張應昌敗績于

五嶺山陣亡三百借象昇踰竹山追賊及之于烏林

人身被箭回均州與秦之平利相近為

大賊老營連戰十餘陣也家溝洵陽交界地名也家溝六月二十日連戰

追殺得一千八十一石泉壩六月二十八日楊世恩于石泉壩得二百七十六級

康家坪三十日鄖撫所將卒于上津之康家坪得二百十六級又楊世芳等于鄖陽木竹砭入秦

楚界大破賊巢斬蚡溪七月初一日先設伏蚡溪遇首五百十六級寇斬首三百七級墜崖入江者不計諸捷斬首五六千鄧玘楊世恩之功最焉此其數

七年七月事也楚中幾于無賊然而賊之竄也乃在

漢南秦寇自六年平定後延水關尚有延鎮降丁盤據不能掃蕩自晉寇從宜州西渡與之合遂披

得南下垂涎西安其他如渭北之水寨關蒲城之普濟川南定之安定垣興平有妖教數千皆秦之餘孽

也漢南之在秦也東至於洵陽白河平利又東至於

興安石泉漢陰西至于西鄉洋縣漢中府又西至于

沔縣寧羗畧陽其地皆與楚蜀為界各省大兵盡在

楚蜀勢必逼入漢南秦督承疇早鯁然憂之承疇于正月二

十五日從子午谷抄入漢南承疇疏曰三月十五日賊自四川來

分四五營共有數萬距寧羗州七十里州去漢中甚

近臣至沔州調兵分赴寧羗堵勦賊遂由陽平關過

河奔鞏昌臣以十二日過白水江二十二日至秦州

調兵防守賊合兵入兩當二十四日襲破鳳縣分為

二股一向漢中太守斷棧道守鷄頭關賊不敢過褒

取僻路由漢王山犯城固洋縣又一股由鳳縣徑奔

寶雞汧陽求撫臣陽許納降符鎮臣以兵禦之又曰

賊在平利洵陽間者數萬自四川巴州通江入西鄉

者二三萬前自棧道犯城固洋縣者又東下石泉漢

陰之間此數股賊畢會于漢興而旁突于商雒秦事

大可憂也官軍主客三千不當賊之十一三邊四鎮之餉盡出于西鳳漢興臨鞏賊情如此餉何由辦爲今之計必將陝兵之在他省者盡歸陝而後可以救重地必將陝餉之撥他省者盡供陝而後可以濟軍興蓋承疇居兵間久決機沉審知賊不可撫亦不易勦故持論若此會以甘鎮有邊警赴援啓行而奇瑜見楚賊旣盡急引兵而西輕賊不足平有驕色興安之界曰車箱峽賊李自成等陷入其中李自成者米脂人與安塞人高迎祥亡命金鄉爲羣盜迎祥在晉中爲闖王自成與之共事至楚豫始誘結李過李牟

俞彬白廣恩李雙喜顧君恩高傑等以顧盼自雄李過高傑等善戰顧君恩善謀車箱峽四山巉立中亘四十里居民從其顛頽大石擊賊又投以炬火飛走之路旣絕春夏大雨兩月賊弓矢俱脫馬乏芻死者過半君恩爲之謀曰吾輩萬里遠掠婦女輜重何不以之餌羣帥處窮山絕坂之中可文降而狡焉以遁也因奇瑜左右奸弁以爲請奇瑜輕心詫大功可立就特許八月約降凡籍醜黨上軍門者三萬六千人取其名爲渠首者正法餘勞遣歸農以去侈然自負處分神速克徒數萬一朝解散天下自此無患矣夫

賊已弄兵潢池朝廷弘恩開設善路亦必縛首惡納甲械俾角距落而後設方畧羈縻之令永無反奇瑜不知兵焉有虎狼之衆不一大創而义手稽伏者賊一出棧道放手殺掠連破麟游等七縣大賊數萬自畧陽來與之合尋分而爲二一至長平披涇陽一至郿窺蓋屋臨鞏平涼在在旁午奇瑜猶歸罪于寶鷄知縣李嘉彦之殺安官而謂新附易搖幾幸賊之一悔禍也閏八月十九日馳至鳳翔親見賊騎充斥悔爲所誤方分兵守禦而麾下叅將賀人龍救隴州爲李自成所圍賊先以八月初十日破隴州而去賀人龍救之入城而被圍大困人

龍亦米脂人李自成令高傑貽書約人龍俱反不報使歸先見傑後過自成比圍城兩月不拔自成心疑廼遣別部統兵往代令傑歸老營守燾自成妻邢氏材武多智掌軍資賊日支糗糧鎧仗傑輒過氏營分合符驗偉傑貌因與之私恒恐自成覺之謀歸降未定也承疇尋從甘鎮還聞人龍急自平涼遣左光先等率師出華亭救之左光先兵以九月二十九日抵隴州賊衆亦內離遂解而去其他賊以閏八月二十五日圍靜寧州二十九日破隆德縣固原道陸夢龍來援兵敗死之賊北接慶陽西至鞏昌西北及邠州西南抵蓋屋衆五

十餘萬靈臺崇信白水涇州後先失守奇瑜恨撫事
 大壞疏糾秦撫練國事阻撓逗遛違節度以至於敗
 上震怒逮國事下之理簿問具得本末而奇瑜亦落
 職卽訊矣廷議推陝西左布政李喬為秦撫請撤邊
 兵二萬措新餉二十五萬命豫兵從潼華入楚兵從
 商雒入蜀兵從漢興入晉兵從韓蒲入盡天下之力
 輸之秦合勦承疇疏曰賊自再入秦中羣聚于臨鞏
 汧隴之間以臣督兵搜勦有由徽州畧
 陽入漢南有從秦州汧隴循省城以南奔逃商雒今
 秦中尚有賊數千肆掠于平涼鳳翔之間麟游雲臺
 山中其餘各賊俱盡入商雒奔賊廼分其軍為三一
 竄南陽鄖陽勢必盡入豫楚竄南陽鄖陽勢必盡入豫楚
 向慶陽一趨鄖陽一出關赴河南竄南陽鄖陽勢必盡入豫楚
竄南陽鄖陽勢必盡入豫楚

良玉范正斗兵駐花園關龍駒寨備商南湯九州周
 爾敬兵駐朱陽關南河司備雒南時奔川之賊雖返
 均襄其大隊尚在蜀故五六月間商雒幸無事至十
 月終蜀寇盡返漢中于是徽階諸賊從商南而犯內
 鄉從黨子口而逼鄧趨鄖陽者二十萬前哨報犯鄖
 州河南在在告急矣趨鄖陽者二十萬前哨報犯鄖
 津而後隊未發漢南綿地八百餘里鄖客兵盡行所
 留不過二千餘人鄖兵毛兵石在兵合之不過二千
 在房竹止六百在房竹止六百楚帥許成名為調援入秦楊正芳緣
 在鄖撫止千人在鄖撫止千人救鄖陣殞正芳陣亡用許成名為湖廣總兵所統軍卒折亡幾盡將
 張上達亦以張上達亦以賊勢飄忽驟均光潛隨棗漢江水淺策
 衝鋒身殞衝鋒身殞馬徑渡上自荆門下及黃德賊向日所不至者無不
 躡焉襄陽自七年春被賊至冬一股從鄧州構林關
襄陽自七年春被賊至冬一股從鄧州構林關
襄陽自七年春被賊至冬一股從鄧州構林關

入將蔡陽備雙溝鎮大里碑姬家埠搶掠其河南之賊又分爲三從商東

抵澠池者爲過天星闖王從商南趨河汝者爲老狗

狗從雒南上津踰鄖陽徐家廟抵鄧州者爲橫天王

九條龍共七十二營十一月癸巳陷陳州靈寶辛亥

陷盧氏十二月初三日左良玉兵至峽石遇賊在磁山大戰數十陣追至蔡家坡百餘里斬六十一

級俘八人賀人龍是月于中庄等處斬八百三十一級○十二月二十五日賊犯汝州官兵得百三十六

級○八年二月初二日八年正月賊自盧氏拔營攻于禹州得百十五級

鞏縣將克之縣官及紳精薪於門舉火賊懼不敢入

東圍汜水知縣劉通與邑人御史禹好善嬰城守內

外殺傷相當會日暮賊發橛子手穴城城陷屠之好

善死通變服遁免明日分攻滎陽知縣楊守節聞汜

水陷先棄城走賊斬關入舉人張治載馬德茂率家

丁巷戰殺賊三十餘人賊愈衆不能支爲所害賊憤

僂老稚無遺移兵河陰入其郭焚之不克與汜水賊

合聞左良玉提兵來援移屯梅山溱水間自固明日

賊窺鄭州知州趙世用與校官呂涵炳邑紳魏尙賢

等設守賊知有備不敢犯從鄆城轉而東攻下蔡拔

之圍汝寧燒其郭守將陳治邦力卻之別賊自襄陽

北還分困唐縣泌陽中原腹心千里之地北至大河

南連楚界蔓延皆賊而官兵之在中州者南陽陳永

福新澠左良玉汝州陳治邦各止數千奉詔撫鎮分地責成咸坐甲自保不能夾勦賊每營數萬更番迭進所至皆因糧宿飽我兵寡備多樵蘇后爨士有菜色又賊介馬俱有副去來如風一日夜蹕數百里我走多騎少走不遂飛重趺不及二三舍事勢殫屈勝賊之期益遠矣洪承疇前加兵部侍郎總督五省軍務移駐秦豫楚適中之地指使諸撫鎮辦賊其延綏寧夏甘肅三邊兼官如故會西寧兵變殺州官逐守道戕其孥鎮守太監跳身免其下硬弓把牌多死承疇復赴甘肅定亂而寇事日急兵科都給事常自裕

中州人以爲前所調兵如張應昌曹文詔起自戍籍今取道太原晉撫留之共剪高加討雖明旨不許然未能時至而秦翼明川卒不滿三千人不足破賊東撫朱大典新除兵部侍郎宜及承疇未出關先令馳赴中原調關寧天津兵一萬付之偕督臣協勦章下所司議未定賊偵知合七十二營頭目老狷闖王格里眼左金王曹操改世王射塌顛八大王橫天王混十萬過天星九條龍順天王等十三家會滎陽議逆拒官軍老狷欲渡河北入晉境張獻忠以爲怯面哂之老狷怒自成解之曰匹夫可奮臂况十萬

衆乎今吾兵且十倍官軍雖關寧鐵騎至無能爲也
計唯有分兵各隨所向立效其利鈍舉聽之天衆皆
曰善乃列闔而定之華左南當楚師橫混西迎秦軍
曹過分屯滎汜間探中牟鄧尉以綴開歸河汝之兵
獻闔專事東方破城下邑金帛子女惟均老獍獍九
條龍爲游徼往來策應恐西軍不敵益以射塌顛改
世王爲橫混后繼壬子殺牛馬祭天誓師賜諸賊飲
脯部署已定有亡自賊中來告狀識者曰嗚呼賊亡
命山谷間倔強旦夕未常見大敵聞天子赫怒羣校
徂征意其當股栗震壞瓦解耳顧敢爲桀逆厚約結

以旅拒顏行中原之禍將未艾乎往者賊走楚而豫
以爲功賊走秦而楚以爲功乘賊奔逸之餘從容尾
擊張虛捷避文法技止此耳自賊再猖獗于秦陸梁
狂狡多方以誤我卽羣帥亦莫知所出以楚事觀之
楚以鄖竹先中寇禍烏林關旣捷之後甫釋甲而賊
之返自秦蜀者日滋月長若是乎烽火肆軼援師減
半比前事爲尤棘然猶足以遮捍園陵擋拄于萬一
而象昇竊以其暇出一奇以擊賊良由去年之賊由
豫入楚而直達於鄖今冬之賊由鄖入楚而所窺在
豫豫雖有左良玉陳永福陳治邦喬國柱之兵而賊

續元紀略 卷二
之分爲七十二營者合之將二三十萬蜂屯蟻結于伊嵩宛雒之間蓋七年以後之寇不復避兵名都廣郡諸將所分駐者賊偏爲之走集以肆其憑陵之害若僻陋如鄖竹者不足乎攻嗟乎此楚豫賊情相去浹月之間耳前之鄖陽最危而賊勢尙弱今之鄖陽稍寬而賊勢愈強深淺之力不同而擣虛與攻堅之局異也論者歸咎于陳奇瑜奇瑜無駕馭之才治兵不及承疇遠甚狃于鄖津之捷以自用卽不撫而勦終不足制勝賊之在漢中江阻其南山峙其西北在地利剪撲誠便官軍之至者十餘萬皆驕蹇不肯用

命賊窺見其情詭謀乞降奇瑜爲之傳檄止兵俾諸將之養寇者有辭以勿擊賊自喜得行其計氣且百倍饑兵叛卒蠶起從之歷年塢壁保聚之人義勇奮迅思一自效者聞幕府申約束禁格鬪殺賊者償死若有意縱之以虔劉我民同時解體甚且憤而從賊以此賊衆狂逞不可復制書曰若顛木之有由蘖傳曰若火之燎于原不可嚮邇賊以顛木之蘖成燎原之火縱敵患生誰階之厲奇瑜有焉夫賊秦人也其過河以入楚豫勢必以秦爲歸承疇五載轉戰威畧已著朝廷若念秦事爲重早付以邊兵新餉如七年

冬所定之數而責以先期辦賊語曰韓盧之逐狡兔環山者三騰山者五兔極于前犬廢于後田父見而取之賊之還自楚蜀我兵雖困賊衆亦疲使承疇厚集其陣以相待此田父之功也中樞策西陲無警簡其實甲見糧盡以奔中原之急而置承疇于三邊委奇瑜以五省兵柄反出承疇上故賊得出入險阻無一矢折其西歸之氣比決開潰防而後責承疇以收之晚矣澠池可守而不守漢南可勦而不勦形勢機宜廟等盡失徒聽奇瑜國事兩疏交馳互相非毀紛然于勦撫之功罪不亦慎乎難得而易失者時一蹶

而不全者計差之毫釐謬以千里嗚呼此亦謀國者之過也

附記

興安之界曰車箱峽賊李自成等陷入其中居人從其顛頽巨石擊賊又投以炬火賊多死用石塞其大路不得脫賊行數萬金于諸將以詐嘗陳奇瑜而免賊至鳳翔西關以督撫檄求入守臣給以門不敢啓繼而上三十六人皆殺之奇瑜劾治寶鷄知縣李嘉彥并逮鄉紳孫鵬等及士民五十餘人下之獄叛兵楊國棟乞撫未決撫臣練國事設

伏鄠縣之夾水溝大敗之賊黨斬國棟以降

練國事疏曰榆林甘肅寧夏天下勁兵處大盜起

于延綏榆林兵力不足調甘肅寧夏兵以成功自

寧夏喪師于靈川甘肅喪師于涼川防邊不足能

分以勦賊乎榆林兵馬止三千為陳奇瑜帶之別

省今賊三面入秦臣所將者不過臨洮固原有限

之兵且素弱于三鎮轉盼防秋又當西還則兵愈

少矣

又請室自理疏曰賊從晉豫入商洛漢興又從漢

興入平涼西鳳皆招安誤之也若非臣力主勦有

扶風之捷則西安危矣寶鷄諸生被逮韓珽等曰

賊在漢中江阻其南山峙其北西通棧道東接鄖

陽官軍十餘萬舉數年蔓延之寇困入其中賊以

詭降得遁一出棧道即破鳳縣殺唐三鎮鄉官辛

思齊家一百八十口八百連雲橫屍撐拄四十村

區化為煨燼八月十四日突至益門鎮渭河南連

屯蟻結烽火燭天幸知縣率士民固守督撫亦于

閏八月十八日至縣面加獎譽賞以十金未嘗有

殺官寇餉之一言也比過鳳翔見賊連破七邑撫

局大壞而欲歸獄于功臣勞士以蓋其愆此何以

掩三秦百萬之口乎

瑞王常浩奏臣自就封次年卽有流賊之禍賴文武諸臣始臻平定不意晉賊渡河竄入漢興本年正月十五日知洵陽已破逼近興安隨破紫陽平利白河三縣矣督臣洪承疇提兵遠赴單騎布甲出入萬山分毫不擾民力至漢月餘因兵餉不足臣助銀三千兩又賞勞賑荒銀四千餘兩此時撫臣練國事移兵商雒按臣范復粹馳赴漢中賊始逃奔四川近境稍靖不謂鳳縣又報陷矣後川中之賊復入秦州湖廣之賊再入興安六月間遂自

興安入西鄉犯郡界幸游擊唐通張疑設伏不敢渡江而北逼近漢城目今東有洋縣之賊督臣陳奇瑜見議招安北有鳳縣之賊盤據山谷西有沔縣寧羗畧陽所在騷動臣在萬分孤危之中不能知其所終也

綏寇紀畧卷三

婁東吳偉業駿公纂輯

清河第

參定

梁谿門人鄒漪流綺校

真寧恨

制鳳陽為中都其嚴重視京兆中都留守司轄八衛
一千戶所有班軍高墻軍操軍又護陵新軍後所增
設無慮六千人護以一巡撫一太監巡撫督漕駐淮
兼護泗陵太監卽其地為鎮守當賊之再入楚豫也
楚按臣余應桂預策賊必闖入淮陽宜及未然為之

備南兵部尙書呂維祺為奏申飭江防尤以鳳陵單外為憂天子下其議大司馬張鳳翼無他規畧惟請勅鳳撫東撫操江嚴備要害而已淮撫者楚人楊一鵬病且耗閣臣王應熊以至司故常優假之引疾不許巡按御史吳振纓烏程相同里厚善此兩人未為憂公稱職太監楊澤虐而不忌以割剝其軍民有衛指揮侯定國者怙澤勢而恣七年十二月二十日叛兵殺定國于西關投書道上曰將以明年上元勾賊在事慢弗省八年正月初七日汝寧賊攻潁州其支賊以初八日由固始夜薄霍丘三日霍丘潰殺霍丘邑紳田

既庭戴廷對舉人王毓貞知縣公出家小俱喪初十日焚壽州之正陽鎮十

一日破潁州屠之尹夢鰲趙士寬往府鄉官張鶴鳴

供賊定于十一日至潁夜舉火內應初十日知州通判策騎方歸倉卒募兵未集賊數萬騎果于詰朝薄

城下知州事尹夢鰲手刃賊通判趙士寬巷戰皆被

創投水闔門死夢鰲被創落水而死弟任尹玉等共

城陷猶拔金簪募死士力盡亦死穎有衛尺籍隸河

南自指揮同知以下李從師王廷俊等城守死者七

人千戶孫升田三震百戶羅元慶田得民王之麟俱

死教官周逢泰斧砍墮落泮池賊以為死而舍之

州人故兵部尙書張鶴鳴年八十五賊倒垂諸樹引

滿射之鶴鳴嚼齒大罵有賊刺刃者三日若復能坐

而鞭吾背耶人始知其邊撫時有宿憾鶴鳴故貴子

大同伏父屍哭被殺鶴鳴弟副使鶴騰州總督

罵賊及同紳劉道遠田之穎年八十二賊 李生白丁嘉遇舉人白

精忠郭三傑皆遇害進士韓獻策父韓光祖罵賊而

死生員死者七十七人穎州衛生員二十六人以楊

于世熊叶夢檀之魁韓定美等最烈節婦自進士

韓廷策母武氏妻李氏推官鹿獻陽妻王氏戶部主

事李虛白妻韓氏以下共三十七人而烈女梅氏董

氏等共八人俱具在兵 河南巡按金光宸以聞上疑

淮撫報不至越日而一鵬以正陽鎮初犯交境為言

未切也淮撫標兵及所調遣馬曠駱舉之兵共六千

人地與中州牙錯者數百里卒皇急不及成備十五

日天大霧壽州之賊趨鳳陽留守署正朱國相千戶

陳弘祖陳其忠以兵迎敵死于陣賊越紫金城而入

焚皇陵享殿其明樓鐘簾存焉龍興寺高皇帝御書

第一山也亦皆燬闢高墻放孽宗燒公私廨舍殺太

守顏容暄燔之推官萬文英之子以身予賊匿其父

以免指揮陳永齡千戶盛可學等死者四十一人班

軍高墻軍操軍新軍死者四千三十五人給事林正

失事焚燬三府公署罪宗共二百六十五名今存一

百七十四名留守公司府廳共燬五百九十四間焚

鼓樓龍興寺六十七間民房燬二萬二千六百五十

二間殺官六員失印二顆武官失印二十顆生員殺

六十六名陵墻班軍殺死二千二百八十四名高墻

軍一百九十六名精兵七百五十五名操軍八百餘

各舉人蔣思宸百戶趙國俊妻女杜氏殉難 賊大書徽志為古元真龍皇

帝掠陵監所遺響手小閣十二人縱酒奏伎先期秦

賈著市籍或一二年相見呼爾汝雜飲就其傍刻孕

婦注嬰兒于槩為嬉笑三日有賊張盼子者至揮其

眾去過紅心驛焚之再蕤池河大柳淮撫所調馬燬

之兵不至駱舉屯濠梁左次避賊南兵部尚書呂維

祺職方郎陳洪謚遣叅將薛邦臣以兵壁全椒趙世

臣守浦口賊走定遠焚藕蕩去全椒十八里曰石牌

橋詣神祠卜所向不吉碎其像去李自成西行與曹

過二賊合返歸德睢州而獻忠南趨廬州裸婦人數

千詈城下少愧沮即縱以矛盡銳仰攻賊將梯其堞

以入踞北城樓歌呼飲知府吳大樸令壯士挾飛砲

外擊賊首與樓俱碎城得全攻巢縣破之正月二十

縣夜梯城而入攻舒城知縣章可試塞三門開西門

誘賊入塹其溝以待賊馬足陷巷戶出長矛刺之殺

千人抵廬江士民具幣求免陽許之丙夜襲之陷二

四日圍廬江二十六日夜雨大作礮盡入城燒明日

攻無為州破之上初聞潁州失事即虞劄陵寢亡何

河道總督劉榮嗣有急奏後三日一鵬振纓之疏始

至上遣官告天地社稷哭于二祖列宗之廟命駙馬

都尉王昺太康伯張國紀行祭慰禮兵部尚書張鳳翼戴罪視事用兵部右侍郎朱大典爲淮撫卽其爲東撫時標兵命故總兵楊御蕃統之馳赴廬鳳修復陵園改用太監王裕民爲鎮守下詔罪已諭中外刷國耻盡心殺賊先是兵部以科臣常自裕告中州急也議調西兵二萬五千北兵一萬八千南兵二萬一千又關寧鐵騎二千以張外嘉及戍帥尤世威領之真定標兵五千赴臨清等處策應天津兵三千以徐來朝領之自臨清濟寧赴歸陳又徵白杆羅網壩兵三千譚大孝領之自夔門赴豫南北濟師共七萬餉

七十八萬六千外留楚新餉十三萬蜀新餉二萬又發帑金二十萬詔諸將以六月滅賊取軍狀不及期者罪無赦號大舉會聞鳳陵之變以南北兵俱未至獨松潘副將秦翼明抵河間使速由歸德趨鳳陽翼明與石砭土司秦良玉姑姪之親每調鄧玘近由麻黃援輒共事然翼明流官非土司也

往安慶命劉榮嗣馳赴泗州趨狼山副將王佐才以兵設防毋再誤陵寢劉澤清倪寵各以其地守要害護漕上特勅馬鳴世歛盪艘于南岸防江呂維祺時以臺省拾遺中考功法落職爲民改用南都察院右都御史范景文爲南兵部尚書而朱大典王裕民楊

御蕃至鳳陽繕葺皇城裕民御蕃營陵左大典營陵
 右游兵千人營陵後事粗定遣金吾騎逮一鵬振纓
 澤至下之獄兩相以其私調旨輒左右之借豫帥不
 邀擊為分過給事中何楷等以為言上明聖決意誅
 之科臣林正亨啣上指周視寶城察方印封處自常
 奏外有密聞為圖以獻而一鵬棄市振纓在繫須冬
 論一鵬以六月二十三日誅楊澤已前尋用言者弁
 逮陳奇瑜覆治追禍始也奇瑜縱寇殃民又以隴州
驗問不實坐欺朦差金吾拿解熊明是時賊攻桐城
遇曹文衡許鼎臣有旨作速勘議
 急桐先有民變給事中孫晉桐人時有疏請遇樞臣
增兵以衛安慶

鳳翼于朝房自言其鄉恐罹寇鳳翼曰公南人何憂
 賊起西北不食南米賊馬不飼江南草聞者粲然皆
 笑比桐急而調援用鄧玘玘暴掠名天下給事言諸
 朝玘亦失期不至應天巡撫張國維于正月十九日
 率吳淞總兵許自强提南兵三千人救桐桐先有游
 擊潘可大將皖兵三百人偕知縣陳爾銘設守不能
 克賊以潛山太湖宿松皆無城移營齟齬之潛山令
 趙士彥重傷卒太湖令金應元訓導扈永寧遇害國
 維至而桐圍解謀于安池道王公弼發守備朱士胤
 等趨潛山把總張其威守備項鼎鏞總練包文達等

趨太湖賊伏奸人皖城為內應而覺捕得誅之二月

十二日南兵遇賊于宿松之五里鋪殺傷相當朱士

胤別與賊遇戰死皖山民築石以投賊賊多斃乃越

英山霍山而遁其西犯者游騎掠蕭碭正月二十六日賊犯碭山

縣令宋坤窺曹單正月十八日歸德之賊循曹單之

守城殺賊十九日至二月朔日蕭碭河而西扎營焉漸下寧陵以去二

之賊逼曹縣丁家道口知有備亦遁三四兩月淮

泗皖桐獲休息焉當賊之初破潁州也分其一軍自

太和以正月入豫之鹿邑柘城寧陵杞縣通許左良

玉兵在許州不能救賊一自杞東西奔一自許襄北

良玉自白沙間道抵新密遇賊又分其軍自亳州以

于東蘆村西蘆村追殺六十里

二月入豫之永城盧氏南丘以及于歸德歸德士民

修完致死賊潰土堤入弗克入賊由寧陵陽驛鋪以

犯睢州睢州新城幾陷會救至走太康豫地遍遭貽

籍又有從盧州六安西入河南其豫賊之先留者馳

蹂魯山伊陽退屯新密山中周爾敬報賊由內鄉竄

間道掠嵩伊爾敬二月十一日有盧氏縣濠川之捷

三月十八日有三川柳子之捷二十八日有團魚山

武家坡之捷共得西返歸睢之賊與之合蔓延南陽

四百五十三級

汝寧總兵鄧玘報二月新蔡被圍知縣王信被執十

八日追及羅山斬首四百二十二級獲鳳陽難

婦知王知縣既而逼于諸鎮以南陽則走應隨以汝

罵賊被殺寧則走麻黃皆入楚六年十二月賊自興安鄖陽入

之隨州應山○七年二月至黃岡麻城黃陂與安慶
 接界此係別股賊○正月十七日賊至黃安二十九
 日指揮馬如龍戰死副將雷應軋陣亡參將馮時早
 失利○八年三月賊從鳳陽轉者營雙溝鎮圖槍焚
 城天雨唐白二河楚撫唐暉先以二月初羅田二月初四
 水漲馬不得渡日從英山破羅田為英山游騎所破禮給事王正志
 知縣梁志仁被殺以爲言始移鎮漢陽阻水自固至是官軍敗績于岐
 亭賊以三月初三日攻麻城初八日掠有旨切責八年
 五月二十八日部覆唐暉解任回籍料理候代按臣余應桂懲鳳陽前事謀
 于撫臣用鎮筓茅岡兵二千施南女官冉氏兵五千
 先後戍承天捐贖鍰金十餘萬募死士以身護顯陵
 上優詔勞焉賊有破楚之清溪泊由星子山間道入

蜀者蜀將張令吳國輔守備李旺等力扼之于白水
 陽平東鄉達州之間賊亦非大隊不比前歲爲深入
 此皆破鳳陽以后由豫以入楚蜀者也而先此秦督
 承疇從甘肅東馳于正月二十八日抵雒陽承疇于正月初
 八日自西安馳赴河南十五日于靈寶斬賊三百六十五級聞鳳陵有變特晉兵
 尙書賜上方劍便宜行事自以新膺重寄陵寢雖非
 專責不早殄賊致驚先皇在天之靈重爲君父憂上
 書請自貶願提兵與賊決死命諸路官兵並馳赴嵩
 盧靈寶陝鄧浙川駐楚豫適中之地以示入衛中都
 賊聞秦師之盡行也其近潼關雒南者又折而入秦

承疇三月朔次汝寧

承疇以二月十九日自河南府處到諸將如曹文詔張應昌來自晉中者已次近境

汝寧曹文詔張應昌而楚之鎮筸石在兵蜀之白

尙未至時稱援勦總兵杆羅綱壩兵遠隔數千里乃即麾下見兵隨賊所向

分擊命賀人龍崔重亨往鳳陽鄧玘往麻黃左良玉

往南陽而惟取尤翟文之千四百人以自隨翟文係

將承疇駐汝寧十日又遣翟文赴麻黃樸勦客有謂

督師者曰公中權無帥即緩急云何承疇笑曰吾以

俟曹文詔至也疏曰臣以三月初一日馳至汝寧江

北鳳廬之賊有由穎霍入光固信陽

轉入南陽有由桐城潛太徑奔麻黃先是襄陽犯麻黃之賊又轉而肆搶孝感感雲夢復透出新野唐縣與

南陽各賊相合前在南陽各賊俱由浙川內鄉上津

等奔入漢西商雒臣發賀人龍鄧玘左良玉尤翟文

視賊所承疇以十七日由確山抵信陽徐來朝次陳

在追擊州令趨嵩秦翼明次蕭縣令趨六尤世威次亳令趨

汝隨軍情所宜相賊勢之疾徐而為之備以告于上

曰臣以徵兵未集就便設防于江淮雒汝之間補苴

摺在未有成畫俟諸帥畢會度地利審機宜次第上

聞于是秦報日急秦靈臺麟游間故有賊撫臣李喬

方往討不以關門為憂賊由山中間道入南原潼關

道李燁然坐堂皇治他事猝聞賊至陶家庄去關僅

五里惟擾不能禦傅永淳查失事疏曰流賊入秦有

由閿鄉馬店深入南山往西南奔

華渭者有由閿鄉西南王旗屯奔華陰者有由靈寶
奔轅轅閿北朱陽者有由盧氏入蘭草南朱陽奔維
南者有由內鄉浙川奔商南者不必由潼關而后入
秦也八年正月二十六日賊掠河南之閿鄉二十七
日從南山北來直至潼關南原陶賊六七萬分剽咸
家庄潼關道李燁然以此不能禦賊六七八大王等
陽長安盩厔鄠等縣大掠涇陽而老獬獬八大王等
大營數萬再過商州又有豫楚之賊陸續從興安漢
中襲陷秦之寧羗州由沔縣畧陽轉入臨鞏兩府其
麻黃之賊走棗及襄復由鄖陽故道入秦秦故有承
疇所留兵五千人左光先艾萬年靳桂香吳弘器趙
光遠備他郡而王錫命王根子根子係撫臣標將專駐西安
承疇之在雒陽也再命來胤昌以千餘人助之賊之

由七盤坡入者遇靈雨馬蹄穿爛士衆饑疲撫臣率
三將可以邀之于險乃乘夜潛歸避弗敢擊賊遂過
險與豫賊合承疇再遣張全昌以千人入秦未至而
三將無功且縱掠關中大擾按臣傅永淳以寧夏總
兵祖大弼赴鎮道出高陵固請留之尋全昌亦至命
合擊涇陽諸賊而趨承疇反顧根本永淳疏日左光先斬桂香趙光

遠在漢中卜應第吳弘器在臨鞏艾萬年在平涼西
安唯王根子來胤昌王錫命三將而已皆不能討賊
祖大弼于四月十三日抵高陵內丁驍勇可用○六
月二十二日傅永淳奏李喬極庸極懦有旨革職議
罪來胤昌王根子王錫命俱革任提問○李喬報功
疏日賊在鞏昌者有安定大三灣之提清水營副將
王繼助守備崔光祖功也會寧柴家嘴之提參將卜
應豸功也秦安三陽川之提總兵孫顯祖功也在西

紀元紀略 卷三

安者有醴泉流東趙村之捷總兵張全昌承疇抵信祖大弼功也前後共斬六百八十八級

陽未三日而曹文詔偕張應昌各以其眾至則大喜先令文詔於光山應隨擊賊文詔于三月二十八日冒雨逐賊于隨州斬級三百有八十賊自隨奔泌陽劉成功邀之斬級百有四十兩人皆親將能用命軍中以督師為知人承疇四月十二日次汝州召其僚佐大會曰羣帥咸集西安望救當先定要策吾意急入關秦固形勝之國地勢險阻賊今依深山多徑道秦有兵則出豫楚豫楚有兵則走之秦我東西奔命曠日費財是敝道也求其盪定豈不難哉天子赫焉

震怒發精兵誅不軌謂五月足以決期平賊承疇仗節而西誓必有以報命若秦將士疾擊而豫楚弗多分部以遮迺要害俾賊得鳥驚獸逸則功敗垂成誰執其咎也吾出關半載具知隘口扼塞處今日之事當與諸將定分地乃為書曰左良玉吳村瓦屋內浙之要道也汝與湯九州以五千人扼之

陝西商南縣在正東瓦屋

裏可徑趨內鄉鎮平以達南陽府在東南吳村可徑趨浙川以達黨子口即陽府

曰尤世威

雒南有蘭草川朱陽關者汝與徐來朝以五千五百人設守曰世威汝所將勁旅也靈陝賊所出入汝勿

懈陝西雒南縣在東北轆轤關北朱陽可徑趨靈寶陝州在正東蘭草川南朱陽可徑趨盧氏永寧嵩

縣曰陳永福盧氏永寧諸隘口汝隸豫撫截擊其率千八百人以從曰鄧玘曰尤翟文曰張應昌曰許成名各以所將兵防楚楚之漢江南北上津鄖西平利竹溪有一賊勿戒者惟汝罪從漢江以北石泉漢陽至洵陽縣入上津鄖西可徑趨鄖陽府入鎮安山陽商南可徑趨浙川內鄉南陽府從漢江以南西鄉興安入平利竹溪可徑趨鄖襄是役也兵之分于豫者一萬四千有奇分于楚兩府者一萬一千有奇審地勢量兵力可以完守無恐承者一萬一千有奇審地勢量兵力可以完守無恐承移會晉撫吳甡山西總兵尤弘既而徐來朝不肯入助防河無使一賊越渡河東山兵譁于盧氏樊城兵變以尅餉鄧玘死鄧玘縱兵淫掠又遇其下寡恩不死于法死于亂是伏罰也鄧

以四月十九日遵秦督調度赴鄖襄防秦寇二十六日標將王允成家丁鼓噪殺其二僕玘登樓越牆誤墮火巷被焚死其步兵營不動副將周繼先賈一選統之有旨聽秦翼明節制中樞羽檄徵天下兵越半載而譚大孝不至承承將譚大孝兵九千臣未敢遠調聽蜀撫王維章總兵侯良柱率之親赴秦楚交界相機調度是蜀兵尙不至也督師號令甫申而徐來朝鄧玘兩將不能為軍識者時以為憂承疇既從汝州拜表西發以寇會于秦也曰賊必由鳳縣棧道兩當徽州以入畧陽改令張應昌尤翟文自鄖陽循路進討轉赴興安漢中以會左光先趙光遠等承疇自率賀人龍劉成功入秦而檄文詔自楚以兵來會二十七日承疇次靈寶承疇于靈寶再疏請以朱

大典留防江北總兵秦翼明兵二千駐鄧州光化副將張外嘉兵二千五百駐南召魯山為後勁○二十九日汝南道黃日昌報游擊王允成兵變諭以回襄陽不從願投左良玉營三十日良玉至撫之乃定文詔從南陽馳而至以賊屯商雒兵至恐先走漢興官軍由潼關入反在賊後乃令文詔由閔鄉取山徑至雒南商州直擣賊巢仍從山陽鎮安洵安馳入漢中遏其奔逸曰此行也道路回遠將軍甚勞苦吾會集關中兵以待將軍拊其背而遣之文詔躍馬去三十日承疇至潼關諜云賊在涇陽即赴之五月初四日次高陵南二十里賊知洪公來奔醴泉與平承疇折而西夜渡渭赴西安議討商雒大賊而文詔之至

商州也以初六日追賊五十里抵金嶺川賊據險以千騎逆戰叅將曹變蛟力鬪諸營競進卻之斬九十級俘十九人變蛟文詔兒子也賊中聞大小曹將軍名皆怖懼承疇以初十日得商雒道周士奇報初五日曹文詔冒雨至商州賊去城三十里營火滿山文詔二鼓率叅將曹變蛟守備曹鼎蛟侯一位等三十餘員為前鋒令都司白廣恩等督陣行至五峪步賊伏兩山深林精騎山溝誘敵曹總兵且戰且追至金嶺川我兵奮勇決戰賊始敗走其商雒老狃狃等以是日直薄西安距我大營五十里我師次夏杏邨命賀人龍南入子午谷曰賊南走擊之命劉成功王永祥屯東南曰賊北走擊之張全昌亦從咸陽截擊逸出興平之東賊以此不敢南渡盡奔

武功扶風其夜賊從扶風之教坊塘渡渭走郿郿在郿縣

東南青承疇恐其東奔又渡渭追賊初七日我師至

王渠鎮賊下掠南山賀人龍劉成功等大戰追奔三

十里至大泥峪賊舍馬登山諸將各有斬獲賀人龍所統賀

勇賀文煥五十員劉成功所統劉成威劉成胤三十員王永祥所統李國政等與賊相砍四十五陣賊敗

走我兵乘勝追三十餘里至大泥峪天晚收兵賀人龍斬三十二級生擒三人劉成功斬二百二十三級

生擒一人王永祥斬七十級是日我師抵盩厔明日諸軍會郿之

秦王嶺遇賊擊敗之十一日次藍田賊遁走綱峪川

欲奔河南以浙川內鄉重兵折回淮南走盧氏扼于

尤世威仍入山中承疇追賊至盩厔鄠二縣境上據

鞍顧盼以鞭指謂諸將曰此地南距山北阻渭中三

十餘里賊出秦入秦之要口得專將守之賊無能為

矣乃以十一日勞饗將士命游擊王永祥駐潼關馬

獻圖駐藍田都司高崇選李世春駐盩厔監軍道劉

三顧節制之曰商雒之賊不得過而西平鳳之賊不

得過而東有虓汝而不在者死部署甫定而前犯西

安諸大賊闖王八大王等圍鳳翔過天星蝎子塊等

圍平涼報至二十七日承疇自盩厔郿縣渡河抵岐

山向平涼賊分為三道東往涇州鎮原寧州而鳳翔

之賊西趨汧陽隴州官軍分路追擊曹文詔自漢中

接寇紀略 卷三 百

以其兵至賊大勢盡向靜寧秦安清水秦州間衆且

二十萬傳永淳賊情疏日滿天星攻平涼累晝夜官軍固守不拔遂奔鎮原慶陽督臣發艾萬年

劉成功勦之整齊王闔塌天等因為尤世祿所扼仍

聚商雒山間耽耽楚豫闖王八龍王等最强有張全

昌督副將賀人龍等往勦督臣親率總兵曹承疇疏

文詔等追之必此賊蕩平賊漸可就擒也

曰臣所帶入秦戰兵止有二千其先在秦官軍左光

先趙光遠斬桂香兵三千四百有奇在漢中孫顯祖

兵一千五百顯祖在晉中得罪時卜應第吳弘器兵

二千在臨鞏各任堵勦未便輕調平涼有艾萬年兵

一千為城守潼藍盩等處王永祥以下之兵為分

戍其隨賊所向為勦援者止有曹文詔張全昌等六

千人夫以二十餘萬之強賊而用十分居一之衆扼

其喉使之不逞地濶則難周兵少則弗敵臣鞠躬盡

瘁死而後已勝負之數未可得而知也部議額兵七萬二千實計

止四萬二千除分派豫楚外合筭秦中官兵僅一萬

六千而漢興遠在二千里外其隨督師者為曹文詔

之外堵有兵衝突難出故合力致死督師迨五月之

限諸將凜凜上方不敢不于是六月十一日官兵值

挺身決戰此曹艾所以敗賊于亂馬川前鋒中軍劉弘烈兵敗被執十四日副

總兵劉成功艾萬年游擊王錫命以三千人戰寧州

之襄樂頗斬獲俄賊衆伏發被圍萬年及副將柳國

鎮敗沒萬年以六月初六日兵部推宣府總兵不用用李國傑推失亡千餘人成

功錫命俱重創二十一日總兵張全昌副總兵賀人龍以三千人至清水之張家川斬賊百六十餘級又明日追賊失利都司田應龍張應春死之賊連勝益驕欲犯西安涇陽三原承疇在邠州憂之不知所出曹文詔知艾萬年死拔刀砍地瞑目大罵曰鼠子敢爾卽詣承疇請行承疇見其憤踊喜曰非將軍不足辦此賊顧吾兵已分無可策應者將軍行吾將由涇陽赴淳化以爲將軍後勁文詔乃以三千人自寧州真寧往二十八日遇賊于真寧之湫頭鎮叅將曹變蛟爲前鋒直前衝賊斬級五百有餘乘勝窮追三十

里文詔自率步卒殿後賊伏數萬騎四起合圍飛矢蝟集賊不知是文詔有帳下卒被縛呼曰將軍救我賊中叛丁識之曰此曹總兵也賊喜圍之益急文詔力屈不能支勇氣彌奮手擊殺賊數人轉鬪數里拔刀自刎死游擊材官没者二十餘人承疇爲之仰天慟哭請于朝加贈卹焉

文詔復原官贈太子少保蔭子一外衛指揮僉事立祠祭八壇造墳安葬陣亡官丁着該撫按查明卹賚後以文詔妻林氏請指揮僉事准世襲

文詔艾萬年並敢鬪文詔尤爲賊所憚關外豫楚諸官軍聞之皆爲奪氣

六月中陝西鎮安縣陷七月初賊逼近山陽上津光化等處

夫賊本困于饑寒而吏不恤稔惡雖久猶可洗滌兇穢復爲

良民一旦盜長陵杯土則滔天之罪勢不能以自還矣中外文武大臣受國厚恩觀望釀寇致使流毒上及山陵據法應死豈獨楊一鵬已哉主上自以得罪祖宗素服避殿三日大臨與以發天下同仇之氣而諸將擁婦女掠寶玉與賊交關爲奸利者日甚其盡心王室折衝厭難止一承疇耳朝廷恤其勞苦寬其銜轡尙恐不足以立事乃使之左支右詘前顛後踣介馬馳秦楚豫之郊而責以六月爲軍期此雖四境之內州郡討捕者尙恐不足以殄滅而欲使之變地數千里禽薙四五十萬之強寇誰任密勿秉國成不

爲主上分別言之也授鉞專征便宜奏請付託非不甚隆然國家將驕卒玩軍政不修于今百年卽祖陵失事而武臣無一人就戮者無以厲其餘矣督師所能斬斷者僅自偏裨以下諸大帥盡高班相與爲等彘其受節度亦空文羈縻耳若遽以賜劔齊之將環視而起誰復與共事乎地云五省不過一秦衆云七萬不過一旅左良玉陳永福之在楚豫者不能效鞭箠使也孫顯祖左光先在秦而有分地者不得屬橐韃從也其名爲戲下如賀人龍乃前督之敗將張全昌爲將來之降賊不足以受指蹤腹心牙爪曹文詔

艾萬年劉成功三人而已文詔六載鏖戰西濠大捷
論功當封顧以他事得罪晉撫吳姓從戎籍薦起感
激自奮隨州之邀擊商雒之窮追身不解甲者兩月
其勤至矣承疇之功皆文詔爲之也一朝敗没弁艾
萬年而失之宜督師仰天慟哭知士氣之阻傷而天
討之稽誅也已鄧玘貪將也亡吾一軍曹文詔大將
也死于百戰君子于八年討賊之事書曰樊城兵變
鄧玘爲其下所殺瀆貨也王師敗績於真寧湫頭鎮
總兵曹文詔死之勤事也易曰師出以律否臧凶傳
曰擐甲執兵固卽死也其兩人之謂夫

附紀

太康伯張國紀之祭告鳳陽祖陵也于乙亥九月
初十日從黃河舟行路經單縣爲牟文綬戲下將
官吳尙文等二千人白晝陳兵遮阻口索過關銀
一百兩國紀不從衆兵毀棄欽頒香帛殺死水手
校尉多人兵垣糾之曰太康懿親鳳陵欽遣香帛
法物此而可劫效又何者不可劫效乎且其所立
之關爲何關百兩之例爲何例兵橫至此而欲以
立軍紀戢亂萌不可得也

楊一鶴爲成都推官登峨嶺山有狂僧踞佛坐睨

楊而笑曰汝猶記下地時行路遠歸哭數日夜吾撫其頂而止耶楊追憶兒時語大驚禮拜臨別囑曰我鳳陽人三十年後見汝于淮上楊之爲淮督也得賊信治文書亟而野僧薄暮擊軍門鼓稱峨嵋萬世尊致書於楊遲以詰朝請見僧大詫曰過今父不及救矣質明索之不知所在發函得七言詩四首其一勸早遁二三四首則西市語也楊臨死合掌稱好師傅後兩詩不傳疑爲國亡讖云
鄖撫盧象昇疏曰臣當援兵未集先以毛兵新兵各五百名石砮兵六百名更番偵覘練習火攻分

布鄖津要害而躬提健卒數百往來襄宛光均之間幸寇復入秦鄖襄得以無恙今寇奔商州鎮安山陽有復犯豫楚之勢夫賊在西鳳平固可由棧道徽階以入漢南賊在商雒鎮山可由內浙鄖津以入襄宛臣甚憂之先經督臣洪承疇調度張應昌由宛鄧尤翟文由德黃馬步兵二千六百人從鄖西上津山路出洵陽以越興安又以楚鎮許成名募兵三千六百人取道保康房縣抵竹溪爲之後勁至光化黨子口苦無兵扼防而總兵秦翼明領川兵二千于五月十一日續奉秦督臣調到最

續定綱目 卷三
爲得力總兵鄧玘遇害其標下副將賈一選周繼
先報現存馬步兵二千六百五十二人未動五月
十六日調至鄖中臣爲申嚴軍律發往豐陽關蠻
川關防守夫秦督汝州定分兵之議實望一時文
武大吏倡予和汝共襄成筭以予觀之惟鄖撫奉
指麾于千里之外若左右手且盛稱督臣深籌確
畫洞中機宜爲不可及兩人才智相侔忠猷契合
于此一疏見之矣旣而戮力中原同心推讓有古
皇甫嵩朱雋之風惜乎其功之弗成也
楚撫唐暉有治臣增兵之請以鄖兵衛鄖而撤楚

兵防兵樞臣以寇在門庭非議增之時 再調算
兵二千施客兵二千以援之兵科給事史可鏡疏
曰賊之入楚者兵毆之也兵雖多調無裨于楚如
鄧玘曹文詔張全昌非自北而南者乎川將如張
令之援畧陽侯良柱之援漢中縱洪承疇舍兵變
而來辦賊非自西北而東南者乎總之兵在後賊
在前未有不以楚爲壑者也楚驍將楊正芳殞矣
楚南不屯重兵賊走荆襄承德何以當之今惟調
川東兵數千取道巫陽夔陵逕達荆南而臣鄉算
兵人咸習戰不妨多調數千由辰嘗而趨荆門楚

事庶可無恐耳時按臣余應桂已調茅岡隘兵五百澧州練兵三百而唐暉發撫標兵千二百人趨郢光襄可爲有備賊以十二月
日犯上津初五日犯鄖三日官軍擊退西津被圍七晝夜方去又自嵩縣均州來者犯內鄉唐縣棗陽楚事可爲甚棘應桂之疏曰臣觀流寇此來似不專爲楚而爲豫憂不獨在豫也豫兵勢已重賊必徑突廬鳳以窺江淮未踰月而其言大驗八年正月應桂之疏又云賊入豫中自南陽以至汝寧者十之七八在楚者十之二三豫之視楚尤急矣撫臣兵一萬

二千而鄖兵不與襄樊有道將所練鄉兵可保無虞德之應隨賊尙蔓延亦由將吏恇怯鎮臣許成名自房竹移黨子口由光化移樊城步步向內並未見賊觀此奏似乎楚境稍寧諸將宜各用命不欲爲張皇孔急以調兵糜餉若應桂者所謂奏報以實者也

秦按臣傅永淳之糾秦撫李喬曰賊之歸秦也遇靈雨崎嶇萬山絕谷中至藍田之七盤坡撫臣邀其紕而擊之可殲盡乃乘夜潛歸軍心大懈賊氣愈驕皆此一縱階之厲也有旨落職議罪夫七盤

坡古之武關朱陽古之函谷皆一人設守萬騎莫
攻昔人所謂天險今賊入則由武關秦兵不能擊
出則由函谷豫兵不能禦地利將安所恃乎可爲
三嘆

鄧玘以川兵戍遵化復登州遠人久役勞敝思歸
固知其不可留矣朝廷不得已于討賊勉以成功
之日便道西還兩年之間自河北以達漢南不遑
奔命積功而驕長征則怨旣驕且怨能無亂乎七
年七月其下爲中軍校尉所辱一營盡甲焚柵而
噪手刃三人給餉二千二百金乃定玘亦上書自

言臣以六千人出夔門今無存者僅千有二百如
必欲臣留者請發馬步兵各二千馬五百匹以成
一旅信陵君之下令軍中曰父子俱在軍中父歸
兄弟俱在軍中兄歸獨子無兄弟歸養遂救邯鄲
存趙夫征伐大事未有不順人心者也今以西土
之人掌北門之管瓜期不代馬革無歸生者裹瘡
夷死者膏原野巴人竇女望祭征夫千萬里之外
柰何不早爲之所乎玘之暴橫剝軍樊城之變升
屋騎危顛于隧炭爲衆所蕪傳曰不戢自焚宜其
及已夫叟兵天性難制而况所來絕遠采薇之詩

不云乎我戍未定靡使歸聘古者加念征夫行役
之人勤而莫恤坐令客軍內潰主師受戕誰之過
與誦河上翱翔之章不能不致恨于圻父也

或曰曹文詔戰將非大將也大將居中權持重不
動文詔百戰百勝一敗而覆此輕敵之過乎予曰
不然古者置大帥背後有節可以殺人廡下積黃
金恣其出入其行師有前茅有左右翼帳下設長
弓勁弩爲之衛故可坐制勝先朝承平久文武臣
資地積輕世胄如尤世祿杜文煥親信徒兒皆祖
父私財參養而倪寵王樸之在京營士馬皆選又

倚藉中官未嘗深入赴利其他拔足行伍之中致
身大將無斬斷以爲之威無金錢以爲之用遇有
敵則挺手鬪或不幸則死之耳曷足怪乎或曰左
良玉與文詔俱起者也左累敗復振卒致封侯何
與予曰良玉擁兵觀望又縱其下大掠以充軍資
招徠降衆張形勢以成跋扈要朝廷濫爵賞此豈
文詔所欲同者耶自其隸馬世龍麾下爲軍鋒入
秦收王嘉胤殲點燈子西濠銅川橋二戰手所摧
破者數萬花園寺疾馳中伏瀕于死者幾矣不知
所爲逗遛也過河數十戰功高賞薄遭譴渝被朝

受命夕辦嚴追賊于隨州商州累晝夜不解甲不知所爲怨望也生平惟定邊有譁兵之變潰去二百人撫之卽定部將如馮舉張天祿賈呈芳趙國佐等推腹心共功各常稱其師行有紀所過秋毫無犯白廣恩之降也文詔令變蛟共遊處廣恩見制府不肯解所佩刀制府疑欲殺之文詔曰殺廣恩賊心益危且廣恩才可用願以身保之其收攬駕馭豈出良玉下哉朝廷不付以重兵多其賜予取平賊將軍印佩之顧調起自徒中立責後效制府分兵守險挈瓶口而壅之醜徒致疾于我文詔

憤王誅之不加痛同事之摧敗猛氣全涌遂以其屬馳賊軍而死夫李廣北平公孫爲泣賈復傷創光武大驚國家之于曹將軍非徒不能加之膝也又從而摧抑之迫促之身歿之後下詔褒忠惓惓于金嶺川之一捷雖復周處墳高霽雲廟食于國事奚補之有曹變蛟收散卒復家仇孫策之還領父兵灌夫之直走吳壁忠勇慷慨有叔父之風文詔有弟曰文耀同收河曲陣殞忻州變蛟松山不食而死一門没于王事君子聞輦而思將帥若曹氏者可弗書乎

張大將軍曰崇禎五六年曹文詔逐賊山西所向披靡因小故得罪于洪桐鄉紳劉某之子劉喙豫按劾之常勦賊太行山中豫帥良玉蜀帥玘皆會蜀兵大敗文詔從山而下斬級無筭時豫按在懷慶相見文詔尙未解甲恨其功為所抑語不合面叱之由是朝內操文詔短長猶以功大僅調鎮大同而以勦賊付秦帥李甲賊得息肩勢復橫自文詔真寧陣亡變蛟能繼其功由秦而蜀由蜀而漢中商州寶鷄無處不戰無處不提至潼關原之捷而賊幾盡及移辦東事而賊之餘燼一合而燎原

豈非天哉雖時勢使然當國者亦闇于計矣

綏寇紀畧卷三終



書